



2019-1

22. marts 2019

Nal. nr./j.nr.: 2016-819-0002

All. nr./brevnr.: 60880

Sull./sagsbeh.: FH/jh

Pineqartut:

Tungavilersuineq, naligiimik pinnittarnermik tunngavik, naammagittaalliornissamut periarfissamik ilitersuineq

Angallammit angallammut allamut usingiarnissamut akuersissutit nunap ilaani aalajangersimasuni atuuttussatut killiligaanerat suliamut attuumassuteqanngitsumik assigiinngisitsinermik pissuteqanngilaq. Killiliineq amigartumik tunngavilersugaavoq

Aalisarnermi suliffeqarfiup ataani ingerlatseqatigiiffiit pingasut angallammit angallammut allamut usingiarnissamut akuersissummik taaneqartartumik Aalisarnermut, Piniarnermut Nualerinermullu Naalakkersuisoqarfimmu 2016-imi qinnuteqarsimanerat aalisarnermi suliffeqarfiup Ombudsmandimut naammagittaalliuutigaa. Ingerlatseqatigiiffiit ataasiakkaarlutik angallammit angallammut allamut usingiarnissamut akuersissutininik arlalinnik 2016-imi aasakkut tamanna tunngavigalugu tunineqarsimapput.

Akuersissutit taakku tamarmik immikkut nunap ilaani sumiiffinni aalajangersimasuni atuuttussatut killiligaapput. Angallammit angallammut allamut usingiarnissamut akuersissutininik taakkunannga pingasut nunap ilaani sumiiffinni aalajangersimasuni atuuttussatut killiligaanerat aalisarnermi suliffeqarfiup naammagittaalliuutigaa, killiliinerimmi – akuersissutit allat pinerannit allaasumik - sumiiffiit pillugit kisitsisit (koordinater) atorlugit nalunaarneqarsimmata. Tamanna aalisarnermi suliffeqarfiup suliamut attuumassuteqanngitsumik assigiinngisitsinertut isigaa, suliffeqarfiummi ilisimmagu aalisarnermi suliffeqarfik unammillertigisani angallammit angallammut allamut usingiarnissamut akuersissummik tamatuma pissuseqataanik killilerneqarsimannngitsumik tunineqarsimasoq.

Angallammit angallammut allamut usingiarnissamut akuersissutit pillugit aalajangiinerit pingasut taakku tamatuma saniatigut naammattumik tunngavilersuutitaqannginnerat taamatuttaarlu naammagittaalliornissamut periarfissaq pillugu ilitersuutitaqannginnerat aalisarnermi suliffeqarfiup ilaatigut naammagittaalliuutigaa.

Ombudsmandi isumaqarpoq Aalisarnermut, Piniarnermut Nunalerinermullu Naalakkersuisoqarfiup angallammit angallammut allamut usingiarnissamut akuersissutinik pingasunik nunap ilaani sumiiffinni aalajangersimasuni atuuttussatut killiliisimanagera pillugu isornartorsiuinissamut tunngavissaqarani. Ombudsmandi taamatut killiliisimanagera suliamut attuumassuteqanngitsumik assigiinngisitsinermik pissuteqartoq ilimagissallugu aamma pissutissaqanngilaq.

Ombudsmandip angallammit angallammut allamut usingiarnissamut akuersissutit taakkua naammagittaalliornissamut periarfissaq pillugu ilitersuutitaqannginnerat aammattaaq isornartorsiorsinnaangilaa.

Ombudsmandip Naalakkersuisoqarfik suliap suliarineqarnerani paasitippaa Naalakkersuisoqarfiup suliamik suliarinninnera tunngavilersuisarneraq pillugu malittarisassanut naapertuuttuusimanngitsoq. Tamatuma siunisami aaqqinneqarnissaa Naalakkersuisoqarfiup isumaginiarpaa.

Naalakkersuisoqarfiup kukkussuteqartoqarsimanageranik oqarnera Ombudsmandip isumaqatigaa. Taamaalilluni Ombudsmandip paasinninnera unaavoq suliffeqarfiit qinnuteqaateqartut Aalisarnermut, Piniarnermut Nunalerinermullu Naalakkersuisoqarfik suliani pingasuni taakkunani aalajangiimmat ilaannakortumik ilalernerqarsimasut. Angallammit angallammut allamut usingiarnissamut akuersissutini nunap ilaani sumiiffiit qinnuteqaatigineqartunit annikinneroqisut allaalluinnartulluunniit ilaatinneqarput. Taamaattumik Ombudsmandip paasinninnera unaavoq Aalisarnermut, Piniarnermut Nunalerinermullu Naalakkersuisoqarfiup angallammit angallammut allamut usingiarnissamut akuersissutit nunap ilaani sumiif-

finni aalajangersimasuni atuuttussatut killilerneqarneri pillugit tunngavilersuisimanninnera ajuusaarnartorujussuusoq.

Taamaalillutik angallammit angallammut allamut usingiarnissamut akuersissutit taakku tunngavilersuisussaataitanermik suliassat suliarineqartarnerat pillugu inatsimmi § 22-kkut aalajangersarneqartumik, tak. § 24, eqqortitsisuunngillat.

Ombudsmandip tamatumunnga atatillugu oqaatigaa Aalisarnermut, Piniarnermut Nunalerinermullu Naalakkersuisoqarfiup tunngavilersuisarneq pillugu malittarisassanik malinninnginnera Naalakkersuisoqarfimmit suliamut attuumassuteqanngitsumik assigiinngisitsivigineqarluni aalisarnermi suliffeqarfiup kukkusumik isumaqalersimaneranut pissutaaqataasimasinnaasoq.

(Oqaaseqaat 22. marts 2019-imeersoq, j.nr. 2016-819-0002)

Suliami pineqartut tassaapput Aqutsiveqarfimmi Upernavimmi aamma Aqutsiveqarfimmi Uummannami angallammit angallammut allamut usingiarnissamut akuersissutit. Ombudsmandip oqaaseqaataa oqaaseqaammi pineqartut kikkussusii ilisarnarunnaarsillugit tulliuttuni issuarneqarpoq, tasanilu nunap ilaani sumiiffiit pillugit paasissutissat arlallit ilanngunneqanngillat.

Ombudsmandip oqaaseqaataa:

1. Suliami suut pineqarpat?

1.1. Aalisarnermi suliffeqarfiup A-p uannut naammagittaalliummini oqaatigaa suliffeqarfiup ataani ingerlatseqatigiiffiit pingasut – Aalisarnermi suliffeqarfiup B-p, Aalisarnermi suliffeqarfiup C-p aamma Aalisarnermi suliffeqarfiup D-p - angallammit angallammut allamut usingiarnissamut akuersissumik taaneqartartoq Aalisarnermut, Piniarnermut Nunalerinermullu Naalakkersuisoqarfimmut 2016-imi qinnuteqaatigisimagaat.

Suliffeqarfiit pingasut taakku tamarmik immikkut angallammit angallammut allamut usingiarnissamut akuersissutinik arlalinnik tamatuma nassatarisaa-nik 2016-imi upernaap aasallu ingerlaneranni tunineqarput. Akuersissutit tamarmik immikkut nunap ilaani sumiiffinni aalajangersimasuni atuuttussa-tut killiligaapput. Tamatuma ingerlasimanera tulliuttuni imm. 2-mi sukumii-nerusumik allaaseraara.

Imatut paasivara angallammit angallammut allamut usingiarnissamut a-kuersissutit taakku ilaasa pingasut nunap ilaani sumiiffinni aalajangersima-suni atuuttussatut killilerneqarsimanerat Aalisarnermi suliffeqarfiup A-p siul-lerlut naammagittaalliuutigigaa. Angallammit angallammut allamut usingiar-nissamut akuersissutit pingasut taakku akuersissutit sinnerinit suliffeqarfiup tigusaanit allaasumik nunap ilaani sumiiffinni aalajangersimasuni kisitsisit (koordinater) atorlugit taaneqartuni atuuttussatut killilerneqarsimapput. Naammagittaalliummit erserpoq tamanna Aalisarnermi suliffeqarfiup A-p suliamut attuumassuteqanngitsumik assigiinngisitsinerup erserneratut isigi-gaa, tassami aalisartitseqatigiiffik alla – Aalisarnermi suliffeqarfik E - angal-lammit angallammut allamut usingiarnissamut akuersissummik tamatuma pissuseqataanik killilerneqarsimanngitsumik 2. marts 2016-imi tunineqarsi-mammat.

Aalisarnermut, Piniarnermut Nunalerinermullu Naalackersuisoqarfiup sulia-mik suliarinninnera Aalisarnermi suliffeqarfiup A-p aappaattut naammagit-taalliuutigigaa. Tamanna Naalackersuisoqarfiup suliffeqarfinit pingasunit taakkunanga qinnuteqaatinik suliarinninnermini tunngavilersuisarneq aam-ma naammagittaalliornissamut periarfissamik ilitsersuisarneq pillugit malit-tarisassanik malinnissimannginnera suliffeqarfiillu saaffiginnissutaannut pi-sariaqarneratut annertutigisumik akissuteqartarsimannginnera pillugit naammagittaalliuutitut paasivara.

1.2. Misissuininni angallammit angallammut allamut usingiarnissamut a-kuersissutit pingasut nunap ilaani sumiiffinni aalajangersimasuni kisitsisit (koordinater) atorlugit taaneqartuni atuuttussatut killilerneqarsimasut taak-

ku aallunniarlugit aalajangerpunga. Pineqartut tassaapput Aalisarnermi suliffeqarfiup B-p angallammit angallammut allamut usingiarnissamut akuersissutaataa 24. august 2016-imeersoq, Aalisarnermi suliffeqarfiup C-p angallammit angallammut allamut usingiarnissamut akuersissutaataa 31. august 2016-imeersoq aamma Aalisarnermi suliffeqarfiup D-p angallammit angallammut allamut usingiarnissamut akuersissutaataa 31. august 2016-imeersoq.

Angallammit angallammut allamut usingiarnissamut akuersissutit pingasut taakku nunap ilaani sumiiffinni aalajangersimasuni atuuttussatut killiligaa-nerat tulliuttuni imm. 3-mi sukumiinerusumik isummerfigaara.

Aalisarnermut, Piniarnermut Nunalerinermullu Naalakkersuisoqarfiup suliamik suliarinninnera eqqarsaatigalugu angallammit angallammut allamut usingiarnissamut akuersissutinik nunap ilaani sumiiffinni aalajangersimasuni atuuttussatut killiliinerit naammattumik tunngavilersorneqarsimanersut apeqqut (tak. tulliuttuni imm. 4) kiisalu akuersissutit taakku naammagittaallior-nissamut periarfissaq pillugu pisariaqarneratut ilitersuummik imaqarnerisut apeqqut (tak. tulliuttuni imm. 5) misissuininni aallunniarlugit aalajangerpunga.

Inatsisartut Ombudsmandiat pillugu Inatsisartut inatsisaanni nr. 8-mi, 3. december 2009-meersumi § 14, imm. 1 innersuussutigaa, tassuunalu aalajangersarneqarpoq naammagittaalliuut misissuinerimik aallartitsinerimut pissutigissallugu naammannersoq Ombudsmandip aalajangissagaa.¹

1.3. Tamatumunnga uiggiullugu eqqortussaqaq anguniarlugu oqaatigaara Aalisarnermut, Piniarnermut Nunalerinermullu Naalakkersuisoqarfiup suliani angallammit angallammut allamut usingiarnissamut akuersissutinut tunngasuni ataatsimut periaasia imaluunniit "Umiarsuarnik tunitsiviliinerimut tun-

¹ Naammagittaalliuut Ombudsmandi pillugu inatsisip massakkut atuuttup (Inatsisartut Ombudsmandiat pillugu Inatsisartut inatsisaata nr. 7-ip, 1. juni 2017-imeersup) 1. juli 2017-imi atuutilerimik sioqqullugu tunniunneqarami Ombudsmandi pillugu inatsit siusinnerusukkut a-

ngaviit"-nik taaneqartartut Naalakkersuisoqarfiup sulianik taamaattunik suliarinninnermini ilannguttarsimasaatut paasisakka isummerfiginngikkikka.

Kiisalu oqaatigaara "kalaallit angallataannit angallatinut allanut usingiarnissamut" akuersissutit aalisarneq pillugu Inatsisartut inatsisaanni nr. 18-imi, 31. oktober 1996-imeersumi kingusinnerusukkut allannguuteqartinneqartarsimasumi (matuma kingornatigut aalisarneq pillugu inatsimmik taaneqartartussami) § 12-ikkut aalajangersaavigineqartut. Suliap inatsiseqartitsinikkut tunuliaqutaa pillugu tulliuuttuni imm. 3.2-mi sukumiinerusumik nassuiaateqarpunga. Aalajangersakkami tassani "kalaallit angallataanni tunisassiornissamut" akuersissutit aamma aalajangersaavigineqarput, akuersissutilli taamaasa aalajangersagaq taanna tunngavigalugu angallammit angallammut allamut usingiarnissamut akuersissutinik tulliuuttuni taasarniarpakka.

2. Suliap pingaarnerusutigut ingerlasimaneranik uanga paasinninera

2.1. Aalisarnermi suliffeqarfik E Angallatip F-ip angallammit angallammut allamut usingiarnissaanut akuersissummik 2. marts 2016-imi tunineqarpoq, "Aqutsiveqarfik X"-imi atuuttumik. Akuersissut nunap ilaani sumiiffimmi aalajangersimasumi allami atuuttussatut killiligaanngilaq.

Aalajangiineq taanna naammagittaalliummut Aalisarnermi suliffeqarfimmit A-mit tigusannut ilanngullugu nassiunneqarpoq.

2.2. Aalisarnermi suliffeqarfik B Angallatip G-p sumiiffimmi "Qaasuitsup Kommuni (Illoqarfimmi O)"-mi angallammit angallammut allamut usingiarnissamut akuerineqarnissaa 28. april 2016-imi Aalisarnermut, Piniarnermut Nunalerinermullu Naalakkersuisoqarfimmut qinnuteqaatigaa, suliffeqarfiup Nunaqarfimmi L-imi nunami tunitsiviliornera innersuussutigalugu.

Aalisarnermut, Piniarnermut Nunalerinermullu Naalakkersuisoqarfiup Aalisarnermi suliffeqarfik B angallammit angallammut allamut usingiarnissamut

akuersissummik 20. maj 2016-imi tunivaa, tassanilu Aqutsiveqarfimmi X-imi "Nunaqarfiup L-ip eqqaa" ilaavoq. Aalisarnermi suliffeqarfik B aamma Naalackersuisoqarfik angallammit angallammut allamut usingiarnissamut akuersissutip nunap ilaani sumiiffimmi aalajangersimasumi atuuttussatut killiligaanera pillugu tamatuma kingornatigut allakkatigut attaveqatigiittarput. Suliffeqarfik Naalackersuisoqarfimmut taamaalilluni 16. juni 2016-imi allappoq akuersissummi "Kangerluk R tamarmi (Aqutsiveqarfik X)" ilaatinneqasasoq.

Aalisarnermut, Piniarnermut Nunalerinermullu Naalackersuisoqarfiup Angallatip G-p angallammit angallammut allamut usingiarnissaanut akuersissut nutaaq Aalisarnermi suliffeqarfimmut A-mut 24. august 2016-imi tunniuppaa. Akuersissut taanna nunap ilaani sumiiffimmi "Aqutsiveqarfimmi X-imi, erseqqinnersumik taallugu avannamut [...]⁰, kimmut [...]⁰ aamma kujammut [...]⁰" atuuttussatut killiligaavoq.

2.3. Aalisarnermi suliffeqarfik C angallammit angallammut allamut usingiarnissamut akuersissummik Aalisarnermut, Piniarnermut Nunalerinermullu Naalackersuisoqarfimmut 17. februar 2016-imi qinnuteqarpoq. Qinnuteqaammit erserpoq akuersissut Angallammut H-mut "Illoqarfik P-p distriktiani" kiisalu sumiiffimmi "Qaasuitsup Kommunia (Illoqarfik P)"-mi atuutisasoq. Aalisarnermi suliffeqarfiup C-p Nunaqarfimmi M-imi nunami tunitsivi-liornini aammattaaq innersuussutigaa.

Angallatip H-p angallammit angallammut allamut usingiarnissaanut akuersissut Aalisarnermut, Piniarnermut Nunalerinermullu Naalackersuisoqarfiup Aalisarnermi suliffeqarfimmut C-mut 1. marts 2016-imi tunniuppaa, Aqutsiveqarfik Y-mi atuuttoq. Akuersissut taanna tamatuma kingornatigut ilaanakortumik tunuartinneqarpoq, akuersissullu nutaaq Naalackersuisoqarfiup suliffeqarfimmut 27. juni 2016-imi tunniuppaa, taamatuttaaq aqutsiveqarfik Y-mi atuuttoq.

Angallatip H-p Angallammit I-mit taarserneqarnissaa Aalisarnermi suliffeqarfiup C-p 30. august 2016-imi qinnuteqaatigaa. Suliffeqarfiup oqaatigaa

Angallatip I-p Illoqarfiup P-p eqqaani angallammit angallammut allamut usingiarnissamut akuersissutaateqarluni Nunaqarfiup M-ip [...]llu eqqaanni u-miarsuartut tunitsiviunissaa kissaatigigini.

Aalisarnermut, Piniarnermut Nunalerinermullu Naalakkersuisoqarfiup Aalisarnermi suliffeqarfik C angallammit angallammut allamut usingiarnissamut akuersissummik nutaamik aqaguani tunivaa – tamatumuuna Angallammut I-mut – taannalu "Aqutsiveqarfik Y-mi, erseqqinnerusumik taallugu avannamut [...]° , kujammut [...]° , kimmu [...]° kiisalu kangimut [...]°" atuulluni.

2.4. Aalisarnermi suliffeqarfik D Angallatip G-p angallammit angallammut allamut usingiarnissaanut akuersissut sumiiffimmi "Qaasuitsup Kommunia (Illoqarfik O)"-mi atuuttussaq Aalisarnermut, Piniarnermut Nunalerinermullu Naalakkersuisoqarfimmut 22. februar 2016-imi qinnuteqaatigaa. Suliffeqarfiup tamatumunnga atatillugu oqaatigaa Nunaqarfimmi N-imi nunami tunitsivik 2016-imi aprilimit 2016-imi oktoberimut nutarterneqartussaasoq.

Aalisarnermi suliffeqarfiup B-p angallammit angallammut allamut usingiarnissamut akuersissut qulaani oqaatigineqartutut 28. april 2016-imi qinnuteqaatigaa. Qinnuteqaammit tassannga erserpoq Angallat G Nunaqarfimmit N-imit Nunaqarfimmut L-imut nuunneqartussaasoq.

Aalisarnermi suliffeqarfimmi D-mi Angallatip I-p angallammit angallammut allamut usingiarnissaanut akuersissut Aalisarnermut, Piniarnermut Nunalerinermullu Naalakkersuisoqarfiup uanga paasisattut qinnuteqaat 22. februarimeersoq tunngavigalugu 26. juli 2016-imi tunniuppaa. Akuersissut "aqutsiveqarfik X, Nunaqarfiup N-ip eqqaanni" atuuppoq.

Aalisarnermi suliffeqarfiup A-p e-maili Aalisarnermi suliffeqarfik D sinnerlugu Aalisarnermut, Piniarnermut Nunalerinermullu Naalakkersuisoqarfimmut 19. august 2016-imi nassiuppaa, apeqqutigalugulu Angallat I angallammit angallammut allamut usingiarnissamut akuersissummik sumiiffinnut arlalinut allanut atuuttussamik aamma pisinnaanersoq. Suliffissuup pisortaata – uanga paasisattut – angallammit angallammut allamut usingiarnissamut a-

kuersissutip "aalisartut Nunaqarfimmit N-imeersuinnaangitsut aalisarnermi aamma peqataanissaat" ilaatigut innersuussutigalugu angallammit angallammut allamut usingiarnissamut akuersissutip nunap ilaani sumiiffimmi allaanerusumi atuuttuunissaanik kissaateqartup saaffiginnissutaa Aalisarnermi suliffeqarfiup A-p tamatumunnga atatillugu aamma nassiuppaa.

Aalisarnermi suliffeqarfik C Angallatip H-p ilaatigut Nunaqarfiup M-ip eqqaani Angallammit I-mit taarserneqarnissaanut qulaani imm. 2.3-mi oqaatigineqartutut akuersissummik 31. august 2016-imi tunineqarpoq. Ulloq taanna Aalisarnermi suliffeqarfik D angallammit angallammut allamut usingiarnissamut akuersissummik nutaamik Aalisarnermut, Piniarnermut Nunalerinermullu Naalackersuisoqarfimmit tunineqarpoq – tamatumuuna Angallammut H-mut – tassanilu "aqutsiveqarfik X Nunaqarfiup N-ip eqqaanni, erseqqinnerusumik taallugu avannamut [...]⁰, kimmut [...]⁰, kujammut [...]⁰ kiisalu kangimut [...]⁰" ilaavoq.

2.5. Aalisarnermi suliffeqarfik A uannut e-mailikkut 12. oktober 2016-imeersukkut naammagittaalliorpoq.

Aalisarnermi suliffeqarfiup A-p naammagittaalliuutaa pillugu Aalisarnermut, Piniarnermut Nunalerinermullu Naalackersuisoqarfiup oqaaseqaatai tamatuma kingornatigut pissarsiariniarpakka, Naalackersuisoqarfillu taamatuttaaq arlalinnik apeqquteqarfigalugu – ilaatigut angallammit angallammut allamut usingiarnissamut akuersissutinut pingasunut taakkununnga pissusiviusutigut tunggaviusut aamma Naalackersuisoqarfiup suliani angallammit angallammut allamut usingiarnissamut akuersissutinut tunggasuni ataatsimut periaasia pillugit.

Suliaq pillugu oqaaseqaatit pingasut tamatumunnga atatillugu tiguakka. Marluk taamani Aalisarnermut Piniarnermullu Naalackersuisoqarfiusumit (tulleriinneri malillugit 21. december 2016-imi aamma 5. februar 2018-imi ullulernerqarsimasut) ataaserlu Aalisarnermut, Piniarnermut Nunalerinermullu Naalackersuisoqarfimmit (16. juli 2018-imi ullulernerqarsimasoq) taama-

tuttaarlu suliami allagaatit assilineri Aalisarnermut, Piniarnermut Nunalerinermullu Naalackersuisoqarfiup uannut nassiullugit.

Aalisarnermut, Piniarnermut Nunalerinermullu Naalackersuisoqarfiup isumai suliamik tulliuttuni allaaserinninninni issuarpakka. Naalackersuisoqarfiup suliaq pillugu oqaaseqaatai suliap ingerlasimaneranik allaaserinninnermi oqaaseqaatinnut uiggiussami pisariaqarneratut annertutigisumik aammattaaq isuarneqarput.

3. Angallammit angallammut allamut usingiarnissamut akuersissutit nunap ilaani sumiiffinni aalajangersimasuni atuuttussatut killiligaa-neri

3.1. Oqartussaasup oqaaseqaatai

3.1.1. Aallaqqaasiummi oqaatigineqartutut misissuininni Aalisarnermi suliffeqarfiup B-p angallammit angallammut allamut usingiarnissamut akuersissutaataata 24. august 2016-imeersup, Aalisarnermi suliffeqarfiup C-p angallammit angallammut allamut usingiarnissamut akuersissutaataata 31. august 2016-imeersup aamma Aalisarnermi suliffeqarfiup D-p angallammit angallammut allamut usingiarnissamut akuersissutaataata 31. august 2016-imeersup nunap ilaani sumiiffinni aalajangersimasuni atuuttussatut killiligaa-nerat pineqartunut ilaatinneqarput. Angallammit angallammut allamut usingiarnissamut akuersissutit taakku – akuersissutit sinnerinit qulaani imm. 2-mi taaneqartunit allaasumik – nunap ilaani sumiiffinni aalajangersimasuni kisitsisinngorlugit (koordinater) taaneqarsimasuni atuuttussatut killilerneqarsimapput.

Angallammit angallammut allamut usingiarnissamut akuersissutit pingasut taakku tamarmik aalisarneq pillugu inatsimmi § 12-imut innersuussummik imaqarput.

Angallammit angallammut allamut usingiarnissamut akuersissutit nunap ilaani sumiiffimmi aalajangersimasuni atuuttussanngorlugu killiliisoqassasoq

naliliisoqaraangat suut Aalisarnermut, Piniarnermut Nunalerinermullu Naalakkersuisoqarfiup pingaartillugit isiginiartassanera aalajangersakkami tassani takuneqarsinnaanngilaq. Tamanna oqaaseqaatit Naalakkersuisoqarfimmit tigusakka aallaavigalugit imatut paasivara Naalakkersuisoqarfiup tamatuminnga naliliinermini nunami suliffiit qulakkeerneqarnissaannik isiginninneq pissutsillu aalisarnermik inuussutissarsiuteqarnermi unammilleqatigiinnermi atuuttut mianerineqarnissaat pingaartillugit isiginiartarai.

Illua'tungaani imatut paasivara angallammit angallammut allamut usingiarnissamut akuersissutit pingasut taakku suliffeqarfiit pingasuusut – Aalisarnermi suliffeqarfiup B-p, Aalisarnermi suliffeqarfiup C-p aamma Aalisarnermi suliffeqarfiup D-p – nunami tunitsivinnik sanaartornerat nutarterineralluunniit pissutigierpiarlugu tunniunneqarsimasut. Uanga paasinninnera aammat-taaq unaavoq Aalisarnermut, Piniarnermut Nunalerinermullu Naalakkersuisoqarfiup angallammit angallammut allamut usingiarnissamut akuersissutit nunami tunitsivinnut aningaasaliissutaasinnaasunik isertitaqarfiusinnaanerat tamatumunnga atatillugu pingaartillugu isiginiarsimagaa. Kiisalu tamanna imatut paasivara nunami tunitsiviit taakku aalisarnermik inuussutissarsiuteqarnermi unammilleqatigiinnermik annertusaaqataasinnaanerat Naalakkersuisoqarfiup pingaartillugu isiginiarsimagaa.

Illua'tungaani imatut paasivara nunami suliffiit qulakkeerneqarnissaannik isiginninneq angallammit angallammut allamut usingiarnissamut akuersissutit pingasut taakku nunap ilaani sumiiffinni aalajangersimasuni atuuttus-satut killilerneqarnerannut aamma pissutaaqataasimasoq, taamaalillutik u-miarsuit angallammit angallammut allamut usingiarnermi ator-neqartut taakku nunami tunitsivinnut taakkua pissuseqataannut unammillerner-mikkut taakkuninnga akornuseeqqunagit.

3.1.2. Oqaaseqaatinit pissarsiarisannit aamma erserpoq Aalisarnermi suliffeqarfiup E-p angallammit angallammut usingiarnissamut akuersissutaataa angallammit angallammut allamut usingiarnissamut akuersissutit pingasut Aalisarnermi suliffeqarfiup A-p ataani ingerlatseqatigiiffiit tigusaanit allasumik nunap ilaani sumiiffinni aalajangersimasuni atuuttussaangitsut

killiligaasimanera pissutigalugu Aalisarnermi suliffeqarfiup A-p suliamut atuumassuteqanngitsumik assigiinngisitsivigineqartutut misigisimanera Aalisarnermut, Piniarnermut Nunalerinermullu Naalakkersuisoqarfiup isumaqatiginngikkaa.

Imatut paasivara nunami suliffiit qulakkeerreqarnissaannik isiginninneq aamma tassaasoq Naalakkersuisoqarfiup suliamik Aalisarnermi suliffeqarfimmut E-mut tunngasumik naliliiviginninnerani aalajangiisuusimasoq.

Aammattaaq imatut paasivara Aalisarnermi suliffeqarfik E sumiiffimmi tasani Aalisarnermi suliffeqarfiup A-p ataani ingerlatseqatigiiffiit tunitsiviu-taannit amerlanerusunik tunitsiviuteqartoq, taamaattumillu Naalakkersuisoqarfiup paasinninnera unaasoq suliat taakku nunap ilaani sumiiffimmi aalajangersimasumi atuuttussatut killiliineq pillugu apequt eqqarsaatigalugu assigiinngitsuusut.

3.2. Inatsiseqartitsinikkut tunngavik

3.2.1 Aalisarnek pillugu inatsit

3.2.1.1. Angallammit angallammut allamut usingiarnissamut akuersissuteqartarnerit – qulaani oqaatigineqartunit ersertutut – aalisarnek pillugu Inatsisartut inatsisaanni nr. 18-imi, 31. oktober 1996-imeersumi kingusinnerusuk allannguuteqartinneqartarsimasumi § 12-ikkut aalajangersaavigineqarput. Aalajangersagaq taanna imaattunik oqaasertaqarpoq:

“**§ 12.** § 6 naapertorlugu kalaallit angallataanni angallammi tunisassiorneq Naalakkersuisut akuersissuteqarnerisigut aatsaat pisinnaavoq.

Imm. 2. § 6 naapertorlugu kalaallit angallataannit § 7-ilu naapertorlugu allamiut angallataannit angallammut allamut usingiarneq Naalakkersuisut akuersissuteqarnerisigut aatsaat pisinnaavoq.

Imm. 3. [...]”

Aalajangersagaq taanna pillugu oqaaseqaatinik makku ilaatigut erserput:

“Imm. 2. Usinik angallammut allamut nuussisarneq pillugu malittarisassat sukaammerneqarput, taamaalilluni usinik angallammut allamut nuussinerit tamarmik, tamanna pitinnagu naalakkersuisunit akuerineqarsimasussanngorlugit. Siunertaavoq naalakkersuisut periarfissinneqarnissaat aalisarnerup iluani ineriartornermik nakkutilliisinnaanissamut, tassami imaannarmi usinik angallammut allamut nuussisarneq ingerlanneqarsinnaammat aalisarneq pissarsiffiuneroqqullugu. Tamanna immini ajunngilaq, naalakkersuisulli qularnaarniassavaat angallammut allamut nuussisarneq kinguneqassanngitsoq aalisarneq pillugu malittarisassanik sanioqqutaariniarnermik.”

3.2.1.2. Aalisarneq pillugu inatsimmi § 2 siunertaq pillugu aalajangersakkamik pissutsinik inatsimmik aqutsinermi pingaartillugit isiginiarneqartussanik sukumiinerusumik allaaserinnittunik aammattaq imaqarpoq:

“§ 2. Inatsisip siunertaraa aalisakkat naleqquttumik ilisimatuussutsikkullu illersorneqarsinnaasumik iluaqutigineqarnissaasa qulakkeerneqarnissaat.

Imm. 2. Inatsisip matuma atortinnerani aalisagaqartuarnissaa kinguaassioartuarnissaallu pingaartinneqassapput, kiisalu aalisarnerup uumassusillit aaqqissugaanerannut sunniuteqarnera naammaginaruutinneqarnissaa. Aammattaq aaqqissuulluakkamik ukiullu qanoq ilinera apeqqutaatillugu uumasunik ilisimatuut nalinginnaasumik siunnersuinerat naapertorlugi pitsaanerpaamik iluaquteqarnissaq kiisalu inuiaqatigiit allamut saassinnaaneranut pisariaqartitsineq pingaartinneqassapput.

Imm. 3. Inatsisip matuma atortinnerani inuussutissarsiutigalugu aalisarneq eqqarsaatigalugu aalisarneqarsinnaasut aalisariutillu piasinnaasaasa imminnut naleqquttuunissaat, kiisalu aalisarnermik inuussutissarsiuteqarnermi, suliffissuarni suliareqqiisarfiusuni inuussutissarsiutinilu allani inuussutissarsiummut attuumassuteqartuni aningaasarsiornikkut suliffissaqartitsiniarnikkullu isiginiagassat pingaartinneqassapputaaq.”

3.2.2. Ingerlatsineq pillugu inatsiseqartitsinermi tunngaviit nalinginnaasut

3.2.2.1. Aalisarnermut tunngasuni inatsisiliornerup nassatarisaasa saniatigut suliamut attuumassuteqartitsineq naligiimmillu pinnittarneq pillugit inatsiseqartitsinermi tunngaviit nalinginnaasut pisortat ingerlatsiviata malittusaavai.

Suliaatiga 2018-1 nittartakkanni (www.ombudsmandi.gl-imi) atuarneqarsinnaasoq kiisalu suliat 2002-mi ukiumoortumik nalunaarutinni imm. 11.73-20-1-imi, 2013-imi ukiumoortumik nalunaarutinni imm. 5.7-imi aamma

2014-imi ukiumoortumik nalunaarutinni imm. 5.12-imi tamanut saqqummiunneqartut ilaatigut innersuussutigaaakka.

Uanga paasinninnera unaavoq suliassaqaarfimmi tassani inatsisikkut atuuttut Danmarkimi aamma Kalaallit Nunaanni assigiittut, taamaattumillu tunngavinnik tulliuuttuni allaaserinninninni Danmarkimi ingerlatsineq pillugu inatsiseqartitsineq pillugu atuakkiaasimasut/allaaserisat innersuussutigisarpakka.

3.2.2.2. Ingerlatsineq pillugu inatsiseqartitsinermi suliamut attuumassuteqartitsineq pillugu tunngavik atuuppoq. Taassuma manna nassataraa, tassalu oqartussaasut missingiussinikkut piginnaatitaanermik atuutsitsinerminni siunertat inatsimmik unioqqutitsisut malersukaartassanngikkaat.

Niels Fengerip allallu atuakkiaanni "Forvaltningsret"-imi (2018-imeersumi) quppernermi 315-imi Søren Højgaard Mørup imatut eqikkaavoq:

"Ingerlatsivik inatsiserpassuarni qanoq aalajangiisoqarnissaa eqqarsaatigalugu missingiussilluni naliliisussanngortinneqartarpoq [...]. Taamatut missingiussilluni naliliineq isiginiagassanik suliamut attuumassuteqartunik tunngaveqartussaavoq. Allatut oqaatigalugu anguniakkat, isiginiagassat soqutigisalluunniit isumaginiarneqartut inatsimmik unioqqutitsisuunatillu ataqatigiinneqarnermut pineqartumut attuumassuteqartuussapput, tamatumalu pissuseqataa piumasaqaatinut suliat pineqartut aalajangiiviginiarlugit piumasaqaatigineqartunut atuuppoq, inatsisip inatsiseqartitsinikkut pissusiviusunik erseqqarluttumik tamakkiisuungitsumilluunniit oqaatigisaanut tapertaliussatut. [...] Tamanna suliamut attuumassuteqartumik ingerlatsineq pillugu inatsiseqartitsinikkut tunngaviup (ilaanni pissaanermik sangutitsineq pillugu ilinniagassamik taaneqartartup) nassataraa." (Ombudsmandeqarfimmi nutsigaavoq)

Isiginiagassat suliamut attuumassuteqartut suussusii ilaatigut inatsisip siunertaa pillugu immikkut paragraffini inatsilluunniit piareersarlugu suliani takuneqarsinnaasarput.

Karsten Revsbechip allallu atuakkiaanni "Forvaltningsret – Almindelige emner"-mi arfinilissaanik (2016-imi) naqitertinneqartumi quppernerit 225 tullii-lu aamma qupperneq 243 kiisalu Bent Christensenip atuakkiaanni "Forvalt-

ningsret – Opgaver, hjemmel, organisation”-imi aappasaanik (1997-imi) naqitertinneqartumi quppernerit 135 tullilu ilaatigut innersuussutigaaq.

3.3.2.3. Ingerlatsineq pillugu inatsiseqartitsinermit naligiimmik pinnittarneq pillugu tunngavik aammattaaq atuuppoq. Taassuma nassataraa ingerlatsiviup pissutsit annertuutigut assigiissuteqartut assigiimmik pisassagai. Ingerlatsivik taamaaliunngippat tamanna suliamut attuumassuteqanngitsumik assigiinngisitsinermit taaneqartarpoq.

Karsten Revsbech allallu atuakkiaanni “Forvaltningsret – Almindelige emner”-mi, arfinilissaanik (2016-imi) naqitertinneqartumi quppernermi 256-imi Jens Garde aamma Karsten Revsbech imatut eqikkaapput:

“[...] ingerlatsiviup aalajangiinerisa allanngorartuunnginnissaat piumasaqataavoq, tassa imaappoq periaaseq - ingerlatsiviup periaasia allanngortinneqanngikkallartillugu – tunngavilersugaanngitsumik (piaaraluneertumik) saneqqunneqartassanngitsoq. Tamanna suliamut attuumassuteqartitsilluni ingerlatsinermit tunngavimmut ataneqartillugu imatut oqaasertalerneqarsinnaavoq, tassalu aalajangiineq kisimiitillugu immini isigalugu suliamut attuumassuteqartumik tunngavilersorneqarsinnaaginnassanngilaq, aammali piumasaqataavoq - naligiimmik pinnittarnermit tunngavik aallaavigalugu - pisuni arlalinni “assigiinni” assigiinngisitsumik pinninneq suliamut attuumassuteqartumik tunngavilersorneqarsinnaassasoq.” (Ombudsmandeqarfimmi nutsigaavoq)

Bent Christensenip atuakkiaani “Forvaltningsret – opgaver, hjemmel, organisation”-imi, aappasaanik (1997-imi) naqitertinneqartumi quppernerit 182 tullilu ilaatigut innersuussutigaaq.

3.4. Uanga naliliinera

3.4.1 Qulaani oqaatigineqartunit ersertutut aalisarneq pillugu inatsimmi § 12-ip manna nassataraa, tassalu aalisariummi tunisassiortoqassappat aamma aalisariummit aalisariummut allamut usingiartoqassappat Naalakkersuisut akuersissuteqarsimanissaat piumasaqataasoq.

Angallammilli angallammut allamut usingiarnissamut akuersissummik tunniussinissamut tunngavissaqarnerseq aamma nunap ilaani sumiiffimmi aalajangersimasumi sumi atuuttussatut killiliisoqassanersseq naliliinermi piumasaaqatit suut Naalakkersuisut pingaartillugit isiginiarsinnaagaat aalajangersakkami tassani takuneqarsinnaangilaq. Allatut oqaatigalugu aalajangersagaq missingiussilluni naliliinermut tunngasseq pineqarpoq.

Uanga Ombudsmanditut oqartussaasumit suliassaqarfimmik aalajangersimasumik ulluinnarni aqutsisuusumit taamatut missingiussinissamut pitsaernerusunik aallaavittut tunngavissaqanngilanga. Taamaattumik pisumit pisoratat ingerlatsiviata missingiussilluni naliliinera taamaattoq aalajangersimasumik periaaseqarninni misilinneq ajorpara, pissutsinik immikkut ittunik atuuttoqanngippat.

Suliat 2000-imi ukiumoortumik nalunaarutinni imm. 5.04-3-mi, 2008-mi ukiumoortumik nalunaarutinni imm. 5.1.1.-imi kiisalu 2013-imi ukiumoortumik nalunaarutinni imm. 5.7-imi ilanngunneqartut pingaartumillu oqaaseqaammi tassani imm. 2.2 ilaatigut innersuussutigaakka.

Suliami matumani immikkut pissutsinik taamaattunik atuuttoqarnerseq naliininni isumaqarpunga ingerlatsineq pillugu inatsiseqartitsinermi suliamut attuumassuteqartitsinermik (tulliuttuni imm. 3.4.2-p ataaniittut takukkit) aamma naligiimmik pinnittarnermik (tulliuttuni imm. 3.4.3.-p ataaniittut takukkit) tunngaviit Aalisarnermut, Piniarnermut Nunalerinermullu Naalakkersuisoqarfiup eqqortissimanerai isumaliutersuutigissallugu pissutissaqartoq.

3.4.2. Siuliini 3.2.2.2-mi oqaatigineqartutut isiginiagassat suliamut attuumassuteqartut suussusii aalajangersakkat pineqartut piareersarlugit suliani aamma siunertaq pillugu aalajangersagaqarpat aalajangersakkani taamaattuni ilaatigut takuneqarsinnaasarput.

Aalisarneq pillugu inatsimmi § 12 pillugu oqaaseqaatit manna nassataraat, tassalu angallammit angallammut allamut usingiarnerup aalisarneq pillugu malittarisassanik allanik saneqqutaariniarnernut atorneqannginnissaa Naa-

lakkersuisut angallammit angallammut allamut usingiarnissamut akuersisummik qinnuteqaatip suliarinerani qulakkiissagaat.

Tassani aamma ilaavoq aalisarnerq pillugu inatsisip siunertaa pillugu § 2-mi aalajangersakkamit ersertoq Naalakkersuisut inatsimmik aqutsinerminni ilaatigut "aalisarnermik inuussutissarsiuteqarnermi, suliffissuarni suliareqqiifiusartuni inuussutissarsiutinilu allani inuussutissarsiummut attuumassuteqartuni aningaasarsiornikkut suliffissaqartitsiniarnikkullu isiginiagassat" ilanngullugit isiginiassagaat.

Imm. 3.1.1-imi oqaatigineqartutut imatut paasivara Naalakkersuisoqarfiup qinnuteqaatinik pingasunik taakkuninnga suliarinninnermini ilaatigut nunami suliffiit qulakkeerneqarnissaat kiisalu aalisarnermik inuussutissarsiuteqarnermi unammilleqatigiinnerup mianerineqarnissaa pingaartillugit isiginiarsimagai.

Uanga paasinninnera unaavoq isiginiagassat taamaattut tassaasut inatsimmik aqutsinermi pingaartillugit isiginiarneqartussatut aalisarnerq pillugu inatsimmi siunertaq pillugu aalajangersakkami oqaatigineqartut. Allatut oqaatigalugu pineqartut tassaapput isiginiagassat suliamut attuumassuteqartut.

3.4.3. Tamatuma kingornatigut apeqqutaalerpoq akuersissutit – isiginiagasanik suliamut attuumassuteqartunik oqimaalutaanikkut tunniunneqarsimantertik apeqqutaatinnagu – naligiimmik pinnittarnermik tunngaviup nassatarisaanik nunap ilaani sumi atuuttussaeneri allatut killilerneqarsimasariaqaraluarnersut.

Aalisarnermut, Piniarnermut Nunalerinermullu Naalakkersuisoqarfiup oqarnera imatut paasivara Naalakkersuisoqarfiup paasinninnera unaasoq pissutsit annertuutigut assigiit pineqanngitsut, tassami Aalisarnermi suliffeqarfimmut E-mut akuersissut suliffeqarfiup Illoqarfimmi O-mi suliffissuata nutarterneqarneranut allanngortiterneqarneranullu atatillugu tunniunneqarsimammatt, taannalu aalisarluarfiusup nalaani tunitsivinnik arlalinnik oqili-

saassisuusarpoq – Aalisarnermili suliffeqarfiup A-p ataani ingerlatseqatigiif-
fiit eqqarsaatigalugit taamaattoqarani.

Naalackersuisoqarfik tamanna tunngavigalugu isumaqatigaara oqarmat pis-
sutsit annertuutigit assigiit atuutinngitsut – taamaattumillu aamma isuma-
qarpunga suliat ingerlatsineq pillugu inatsiseqartitsinermi naligiimmik pinnit-
tarnermik tunngaviup nassatarisaanik assigiimmik suliarineqartussaangit-
sut.

3.4.4. Taamaalillunga isiginiagassanik Naalackersuisoqarfiup suliani pinga-
suni taakkunani aalajangiinerinut tunngavigisimasaatut paasisariaqakkannik
missingiussinikkut allaasumik pitsaanerumillu naliliinissanut tunngavissa-
qarnera ilimagissallugu pissutissaqanngilanga.

Taamaattumik ataatsimut isiginnillunga angallammit angallammut allamut
usingiarnissamut akuersissutit pingasut taakkua nunap ilaani sumiiffinni aa-
lajangersimasuni atuuttussatut killiligaanerannik isornartorsiuinissannut
tunngavissaqanngilanga.

Killiliinerup sumiiffimmi kisitsisit (koordinater) atorlugit oqaatigineqarnera o-
qaaseqaateqarnissannut aamma pissutissaqalersitsinngilaq.

4. Angallammit angallammut allamut usingiarnissamut akuersissutit nunap ilaani sumiiffinni aalajangersimasuni atuuttussatut killiligaa- nerat naammattumik tunngavilersugaava?

4.1. Tunngavilersuisarneq pillugu malittarisassat pisortat ingerlatsineranni
suliassat suliarineqartarnerat pillugu Inatsisartut inatsisaanni nr. 8-mi, 13.
juni 1994-imeersumi (matuma kingornatigut suliassat suliarineqartarnerat
pillugu inatsimmik taaneqartartussami) ilaatigut § 22-kkut aalajangersarne-
qarput. Tassuuna aalajangersarneqarpoq allakkatigut aalajangiinerit tun-
ngavilersuummik ilaqartinneqartassasut, suliامي illua'tungiusumut pineqar-
tumut tapersiisuulluinnanngikkunik.

Suliassat sularineqartarnerat pillugu inatsimmi § 24, imm. 1-ikkut aalajangersarneqarpoq aalajangiinermut tunngavilersuut inatsimmi malittarisassanut aalajangiinermi tunngavigineqartunut innersuussutinik imaqartassasoq. Aammattaaq aalajangersarneqarpoq missingiussilluni aalajangiinerit eqqarsaatigalugit tunngavilersuummi pingaarnertut isiginiagassat missingiussinermi aalajangiisuusimasut oqaatigineqartassasut.

Suliassat sularineqartarnerat pillugu inatsimmi § 24, imm. 2-ikkut aalajangersarneqarpoq tunngavilersuut suliame pissusiviusut pillugit paasissutissat aalajangiinermi annertuumik pingaartillugit isiginiarneqarsimasut pillugit nassuiaammik naatsumik pisariaqarpat imaqartinneqassasoq.

4.2. Imatut paasivara angallammit angallammut allamut usingiarnissamut akuersissutit pingasut taakku nunap ilaani sumiiffinni aalajangersimasuni atuuttussatut killiligaanerat suliffeqarfiup qinnuteqaateqartup kissaatigisaa naapertornagu pisimasoq isumaqartoqartoq. Taamaalillutik angallammit angallammut allamut usingiarnissamut akuersissutini nunap ilaani sumiiffiit qinnuteqaatigineqartunit annikinneroqisut allaalluinnartulluunniit ilaatinneqarput. Uanga paasinninnera unaavoq suliffeqarfiit taamaalillutik tamakkiisumik ilalernerneqarsimanngitsut. Taamaattumik angallammit angallammut allamut usingiarnissamut akuersissutit tunngavilersuummik nunap ilaani sumiiffinni aalajangersimasuni atuuttussatut killiliineq taanna pillugu sukumiinerusumik nassuiaasumik ilaqartinneqarsimasariaqaraluarput.

Angallammit angallammut allamut usingiarnissamut akuersissutit pingasut taakku inatsimmi malittarisassamut atorineqartumut – aalisarneq pillugu inatsimmi § 12-imut – innersuussummik imaqarput. Taakkuali arlaannaalluunniit pingaarnertut isiginiagassat pissusiviusulluunniit Aalisarnermut, Piniarnermut Nunalerinermullu Naalakkersuisoqarfiup nunap ilaani sumiiffinni aalajangersimasuni atuuttussatut killiliineranut pingaaruteqartut pillugit paasissutissanik imaqanngilaq.

Taamaalillutik angallammit angallammut allamut usingiarnissamut akuersissutit nunap ilaani sumiiffinni aalajangersimasuni atuuttussatut killiligaaneri

nassuiaatitaqanngillat. Missingiussilluni aalajangiinerit pineqarmata uanga paasinninnera unaavoq akuersissutit taakku pingaarnertut isiginiagassanut missingiussinermi aalajangiisuusimasunut innersuusummik imaqannginnerat suliassat suliarineqartarnerat pillugu inatsimmi § 24, imm. 1-imik unioqutitsinerusoq.

Aalisarnermut, Piniarnermut Nunalerinermullu Naalackersuisoqarfiup uannik allaffigeqatiginnittarnermini allagai tunngavigalugit paasivara apeqqummik taassuminnga uanga paasinninnera Naalackersuisoqarfiup isumaqatigigaa, angallammillu angallammut allamut usingiarnermut akuersissutit tunngavilersuisarnej pillugu malittarisassat isiginiarlugit siunissami suliarineqartar-nissaat Naalackersuisoqarfiup isumaginiaraa. Eqqortussarli anguniarlugu o-qaatigaara angallammit angallammut allamut usingiarnissamut akuersissu-tit taaneqartut arlaata sorliup Naalackersuisoqarfiup paasinninnera malillugu tunngavilersuummik sukumiinerusumik ilaqartinneqarsimasariaqaraluarnera erseqqissumik takusinnaangikkiga.

Ataatsimut isiginnillunga paasinninnera unaavoq angallammit angallammut allamut usingiarnissamut akuersissutit tunngavilersuutitik sukumiisunik ilaqartinneqannginnerat ajuusaarnartorujussuusoq.

5. Naammagittaalliornissamut periarfissaq pillugu ilitsersuineq

Angallammit angallammut allamut usingiarnissamut akuersissutit naammagittaalliornissamut periarfissaq pillugu ilitsersuummik imaqannginnerat Aalisarnermi suliffeqarfiup A-p aammattaq naammagittaalliutigaa.

Oqartussaasup naammagittaalliornissamut periarfissaq pillugu ilitsersuisus-saatitaanera suliassat suliarineqartarnerat pillugu inatsimmi § 25, imm. 1-ikkut aalajangersarneqarpoq. Tassani ilaatigut aalajangersarneqarpoq allak-katigut aalajangiinerit suliarni illua'tungiusumut tapersiisuulluinnangitsut i-ngerlatsinermilu oqartussaasumut allamut naammagittaalliutigineqarsin-naasut naammagittaalliornissamut periarfissaq pillugu ilitsersuummik ilaqar-tinneqartassasut.

Angallammit angallammut allamut usingiarnissamut akuersissutit pingasut taakku tamarmik ingerlatsinermi oqartussaasumut allamut naammagittaalliutigineqarsinnaasimangillat. Taamaattumik naammagittaalliornissamut periarfissaq pillugu ilitersuummik ilaqartinneqarsimannginnerat isornartorsiorsinnaangilara.

6. Naggasiutaasumik oqaaseqaatit

Aalisarnermut, Piniarnermut Nunalerinermullu Naalackersuisoqarfiup angallammit angallammut allamut usingiarnissamut akuersissutinik pingasunik nunap ilaani sumiiffinni aalajangersimasuni atuuttussatut killiliisimaneq pillugu isornartorsiuinissannut tunngavissaqanngilanga. Taamaalillunga taamatut killiliisimaneq suliamut attuumassuteqanngitsumik assigiinngisitsinermik pissuteqartoq ilimagissallugu aamma pissutissaqanngilanga.

Angallammit angallammut allamut usingiarnissamut akuersissutit taakkua naammagittaalliornissamut periarfissaq pillugu ilitersuutitaqannginnerat aammattaq isornartorsiorsinnaangilara.

Imatulli paasivara Aalisarnermut, Piniarnermut Nunalerinermullu Naalackersuisoqarfik suliani pingasuni taakkunani aalajangiimmat suliffeqarfiit qinnuteqaateqartut tamakkiisumik ilalerneqarsimanngitsut. Taamaalillutik angallammit angallammut allamut usingiarnissamut akuersissutini nunap ilaani sumiiffiit qinnuteqaatigineqartunit annikinneroqisut allaalluinnartulluunniit ilaatinneqarput. Taamaattumik uanga paasinninnera unaavoq Aalisarnermut, Piniarnermut Nunalerinermullu Naalackersuisoqarfiup angallammit angallammut allamut usingiarnissamut akuersissutit nunap ilaani sumiiffinni aalajangersimasuni atuuttussatut killilerneqarneri pillugit tunngavilersuisimannginnera ajuusaarnartorujussuusoq.

Taamaalillutik angallammit angallammut allamut usingiarnissamut akuersissutit taakku tunngavilersuisussaataaernerik suliassat suliarineqartarnerat

pillugu inatsimmi § 22-mi, tak. § 24, aalajangersarneqartumik eqqortitsisuunngillat.

Aalisarnermut, Piniarnermut Nunalerinermullu Naalackersuisoqarfiup uannik allaffigeqatiginnittarnermini allagai tunngavigalugit paasivara apeqqummik taassuminnga uanga paasinninnera Naalackersuisoqarfiup pingaarnerusutigut ilaleraa, angallammillu angallammut allamut usingiarnissamut akuersisutit tunngavilersuisarneq pillugu malittarisassanut naapertuuttumik suliarineqartarnissaat Naalackersuisoqarfiup siunissami isumaginiaraa.

Tamatumunnga atatillugu oqaatigaara tunngavilersuisarneq pillugu malittarisassat siunertaasa ilaat tassaasoq ingerlatsiviup pisumi pineqartutut soq aalajangiisimaneranik innuttaasunut nassuiaasinnaaneq. Tunngavilersuisarneq pillugu malittarisassat taamaalillutik ingerlatsivik inatsisiliorneq malillugu iliuseqartoq innuttaasunik tatiginnilersitseqataapput – aamma suliaq qanoq aalajangiivigineqartariaqartoq ingerlatsiviup innuttaasullu isumaqatigiinngissutigippassuk.

Uanga paasinninnera unaavoq Aalisarnermut, Piniarnermut Nunalerinermullu Naalackersuisoqarfiup tunngavilersuisarneq pillugu malittarisassanik mallinnnginnera Naalackersuisoqarfimmit suliamut attuumassuteqanngitsumik assigiinngisitsivigineqarluni Aalisarnermi suliffeqarfiup A-p kukkusumik isumaqalerneranut pissutaaqataasimasinnaasoq.

Oqaaseqaatima assilinera Aalisarnermi suliffeqarfimmut A-mut nassiuppara. Suliamik inaarsaallunga suliarinninnerma sivitsuloorunneqarnera suliffeqarfimmut tamatumunnga atatillugu ajuusaarutigaa. Ombudsmandeqarfimmi suliassarpassuaqarnera suliassarpassuaqarsimaneralu piffissap suliamik suliarinninninnut atukkama taama siviutigineranut ilaatigut pissutaaavoq.

Oqaaseqaat manna oqaaseqaammi pineqartut kikkuussusii ilisarnarunnaarsillugit nittartakkakut tamanut saqqummiunneqarumaarpoq, 2019-imilu ukiumoortumik nalunaarutinni eqqaaneqarumaarluni.

Suliamik suliarinninnera inaarlugu suliarineqartutut matumuuna isigaara.

SULIAP INGERLASIMANERATA ALLAASERINEQARNERA

Suliami allagaatit tamaasa suliamik suliarinninninni atugassatut taamani Aalisarnermut Piniarnermullu Naalakkersuisoqarfimmit pissarsiariniarpakka. Suliali ingerlasimanerata tulliuuttuni allaaserineqarnerani paasissutissat suliap ingerlasimanagera paasiniarlugu pisariaqartut imaluunniit naammagittaaliuummik inatsiseqartitsinikkut naliliininnut pingaaruteqarsimasut kisiisa ilannguppakka.

Qinnuteqaat Aalisarnermi suliffeqarfiup C-p Aalisarnermut, Piniarnermut Nunalerinermullu Naalakkersuisoqarfimmut 17. februar 2016-imi nassiuppaa. Tassannga erserpoq akuersissutip pioreersup atuuffiata sivitsorneqarnissaa suliffeqarfiup qinnuteqaatigigaa. Tamatuma saniatigut makku erserput:

“Aalisarnermi suliffeqarfiup C-p Illoqarfiup P-p eqqaani umiarsuarmik tunitsiviliinissani matumuuna qinnuteqaatigaa, makku tunngavigalugit:

[...]

Nunami tunitsivik pillugu paasissutissat:

10) Nunami tunitsiviup inassisimanagera: Illoqarfik Q. Nunaqarfimmi M-imi tunitsivik piffissami 2016-imi junimit 2017-imi aprilimut sananeqassaaq

[...]

16) Piffissaq tunitsiviusoq: 1. juli 2016 – 31. december 2016
17) Tunitsiviup sumiiffia: Qaasuitsup Kommunia (Illoqarfik P)

[...]

27) Angallatip aqqa: Angallat H” (Ombudsmandeqarfimmi nutsigaavoq)

Aalisarnermi suliffeqarfik D Aalisarnermut, Piniarnermut Nunalerinermullu Naalakkersuisoqarfimmut 22. februar 2016-imi ilaatigut imatut allappoq:

"Aalisarnermi suliffeqarfiup D-p Kangerlummi R-imi umiarsuarmik tunitsiviliinissani matumuuna qinnuteqaatigaa, makku tunngavigalugit:

[...]

Nunami tunitsivik pillugu paasisutissat:

10) Nunami tunitsiviup inissisimanera: Nunaqarfimmi N-imi nunami tunitsivik piffissami 2016-imi april-oktoberimi nutarterneqassaaq, tunitsiviullu 2016-imi oktoberimi atuleqqinnissaminut piareernissaa naatsorsuutigineqarluni. Malugilaarsiuk iluarsaassisoqarnissaani/nutarterisoqarnissaani atortussat assigiinngitsut Nunaqarfimmut N-imut qaqugu apuunnissaat apeqqutaasinnaammat.

[...]

16) Piffissaq tunitsiviusoq: 01. april 2016 – 31. december 2016
17) Tunitsiviup sumiiffia: Qaasuitsup Kommunian (Illoqarfik O)

[...]

27) Angallatip aqqa: Angallat G" (Ombudsmandeqarfimmi nutsigaavoq)

Aalisarnermut, Piniarnermut, Nunalerinermullu Naalakkersuisoqarfiup Aalisarnermi suliffeqarfik C angallammit angallammut allamut usingiarnissamut akuersissummik tunivaa, tassangalu ilaatigut makku erserput:

"Angallatip H-p umiarsuartut tunitsiviliunneqarnissaanut akuersissut

Angallammi uani angallammit angallammut allamut usingiarnissamut angallammi tunisasionertalimmut akuersissut aalisarneq pillugu inatsimmi nr. 18-imi, 31. oktober 1996-imeersumi § 12 kiisalu Naalakkersuisut siusinnerusukkut aalajangiineri innersuussutigalugit matumuuna tunniunneqassaaq:

[...]

Atugassarititaasut piumasaqaatillu makku akuersissummut aamma atuuqput:

1. Akuersissut sumiiffimmut uunga atuuppoq: **Aqutsiveqarfik Y**

[...]

3. Akuersissut piffissami uani atuuppoq: **1. juli – 31. december 2016**” (Ombudsmandeqarfimmi nutsigaavoq)

Angallatip F-ip angallammit angallammut allamut usingiarnissaanut akuersissut Aalisarnermut, Piniarnermut Nunalerinermullu Naalakkersuisoqarfiup Aalisarnermi suliffeqarfimmut E-mut 2. marts 2016-imi tunniuppa, aalisar-neq pillugu inatsimmi § 12 innersuussutigalugu. Akuersissut 1. juli 2016-imit 30. november 2016-imut atuuppoq. Angallammit angallammut allamut usingiarnissamut akuersissutip nunap ilaani sumiiffimmi aalajangersimasumi atuuttussatut killiligaanerani ilaatigut erserpoq “akuersissut Aqutsiveqarfik X-imi atuuppoq”. Taamatut killiliineq nunap ilaani sumiiffiit kisitsisinngorlugit (koordinater) taaneqarnerinik ilaqanngilaq, allatulluunniit killiligaanani. Aalajangiinerup taassuma assilinera Aalisarnermi suliffeqarfiup A-p uannut naammagittaalliuutaanut ilanngullugu nassiunneqarpoq.

Aalisarnermut, Piniarnermut Nunalerinermullu Naalakkersuisoqarfiup Aalisarnermi suliffeqarfik A aamma Aalisarnermi suliffeqarfik C ilaatigut e-mailliktut 10. marts 2016-imeersukkut nalunaarfigai Aalisarnermi suliffeqarfimmut C-mut aalajangiineq massakut taamaallaat 2016-imi junip naaneranut atuutissasoq. Suliaq imatut paasivara Aalisarnermi suliffeqarfik C piffissamut 2016-imi julimit decemberimut atuuttumik angallammit angallammut allamut usingiarnissamut akuersissummik tunineqarsinnaanersoq Naalakkersuisoqarfiup tamatuma kingornatigut isummerfiginiaraa.

Aalisarnermi suliffeqarfiup B-p angallammit angallammut allamut usingiarnissamut akuersissut Aalisarnermut, Piniarnermut Nunalerinermullu Naalakkersuisoqarfimmut 28. april 2016-imi qinnuteqatigaa. Qinnuteqaammit tassannga ilaatigut makku erserput:

“Aalisarnermi suliffeqarfiup B-p angallammut G-mut angallammit angallammut allamut Kangerlummi R-imi usingiarnissamut angallammilu tunisassiornissamut akuersissut matumuuna qinnuteqaatigaa, makku tunngavigalugit:

[...]

Nunami tunitsivik pillugu paasissutissat:

10) Nunami tunitsiviup inissisimanagera: Nunaqarfik L. Kommunimit nunaminertamik tunniussisoqarpoq [...]

[...]

16) Piffissaq usingiarfiusoq: 01. juni 2016 – 31. december 2017

17) Usingiarfiup sumiiffia: Qaasuitsup Kommunian (Illoqarfik O)

[...]

33) Oqaaseqaatit allat:

Angallammut G-mut atatillugu Aalisarnermi suliffeqarfik D Nunaqarfimmi N-imi nunami tunitsiviup nutarterneqarnissaanut atatillugu angallammit angallammut allamut usingiarnissamut akuersissummik siusinnerusukkut qinnuteqaateqarsimavoq. Nunaqarfimmili N-imi qanoq annertutigisumik nutarterisoqarnissaa suli nalunarpaq. Taamaalilluni Angallatip G-p Nunaqarfimmi N-imi ingerlatseqatigiiffimmit Nunaqarfimmi L-imi ingerlatseqatigiiffimmut nuunneqarnissaa pineqarpoq.” (Ombudsmandeqarfimmi nutsigaavoq)

Angallammit angallammut allamut usingiarnissamut akuersissut Aalisarnermut, Piniarnermut Nunalerinermullu Naalakkersuisoqarfiup Aalisarnermi suliffeqarfimmut B-mut 20. maj 2016-imi tunniuppaa, tassanngalu ilaatigut makku erserput:

“Aalisarnermi suliffeqarfimmi B-mi Angallatip G-p angallammit angallammut allamut usingiarnissaanut akuersissut

Angallammi uani angallammit angallammut allamut usingiarnissamut angallammi tunisassiornertalimmut akuersissut aalisarneq pillugu inatsimmi nr. 18-imi, 31. oktober 1996-imeersumi § 12 kiisalu Naalakkersuisut siusinnerusukkut aalajangiineri innersuussutigalugit matumuuna tunniunneqassaaq.

[...]

Immikkut akuersissutaagallartoq piunasaqaatitalik

Angallatip G-p aqutsiveqarfimmi X-imi Nunaqarfiup L-ip eqqaani qaleralinnut allanullu pi-sarisuukkanut atorneqarnissaanut immikkut akuersissutaagallartoq piunasaqaatitalik Naalakkersuisoqarfiup tunniuppaa.

[...]

Akuersissummi atugassarititaasut piunasaqaatillu makku atuupput:

1. Akuersissut sumiiffimmi uani atuuppoq: **Aqutsiveqarfik X**

[...]

3. Akuersissut piffissami uani atuuppoq: **20. maj 2016 - 31. december 2017**” (Om-budsmandeqarfimmi nutsigaavoq)

Imatut paasivara Aalisarnermi suliffeqarfiup A-p 2016-imi majimi junimilu – Aalisarnermi suliffeqarfik B sinnerlugu – Aalisarnermut, Piniarnermut Nunalerinerimullu Naalakkersuisoqarfik angallatip G-p ingerlaarnerata nunap ilaani sumiiffimmut aalajangersimasumut killilerneqarnera pillugu e-mailikkut allaffigeqatigisarsimagaa, matumani angallatip Nunaqarfiup N-ip eqqaani angallammit angallammut allamut usingiarfiusarnissaa ilanngullugu eqqarsaatigalugu. Aalisarnermi suliffeqarfimmi A-mi sulisoq tamatumunnga atatillugu Naalakkersuisoqarfimmut e-mailikkut 16. juni 2016-imeersukkut ilaatigut imatut allappoq:

“Angallatip G-p Kangerlummi R-imi akuersissummut (omladningstilladelse) tunngatillugu matumuuna qinnutigaarput Nunaqarfiup L-ip eqqaaniinnaangitsoq, Kangerlummi R-imi tamani (Aqutsiveqarfik X) Angallammut G-mut omladningstilladelse atuutissasoq. Qinnuteqaatiginikuusatsinni siunertarisimavarput Kangerlummut R-mut tamarmut atuuttumik omladningstilladelsemik pissasugut, [...]”

Suliami aalajangiineq Aalisarnermut, Piniarnermut Nunalerinerimullu Naalakkersuisoqarfiup Aalisarnermi suliffeqarfimmut C-mut 27. juni 2016-imi nalunaarutigaa, tassanngalu ilaatigut makku erserput:

“Angallatip H-p umiarsuartut tunitsivilionneqarnissaanut akuersissut

Angallammi uani angallammit angallammut allamut usingiarnissamut angallammi tunisasionertalimmut akuersissut aalisarneq pillugu inatsimmi nr. 18-imi, 31. oktober 1996-i-meersumi § 12 kiisalu Naalakkersuisut siusinnerusukkut aalajangiineri innersuussutigalugit matumuuna tunniunneqassaaq.

[...]

Akuersissummi atugassarititaasut piunasaqaatillu makku atuupput:

1. Akuersissut sumiiffimmi uani atuuppoq: **Aqutsiveqarfik Y**

[...]

3. Akuersissut piffissami uani atuuppoq: **1. juli – 31. december 2016**” (Ombudsmandeqarfimmi nutsigaavoq)

Angallammit angallammut allamut usingiarnissamut akuersissut Aalisarnermut, Piniarnermut Nunalerinermullu Naalakkersuisoqarfiup Aalisarnermi suliffeqarfimmut D-mut 26. juli 2016-imi tunniuppaa, tassanngalu ilaatigut makku erserput:

”Aalisarnermi suliffeqarfimmi D-mi Angallatip I-p angallammit angallammut allamut usingiarnissaanut akuersissut

Angallammi uani angallammit angallammut allamut usingiarnissamut angallammi tunisasionertalimmut akuersissut aalisarneq pillugu inatsimmi nr. 18-imi, 31. oktober 1996-i-meersumi § 12 kiisalu Naalakkersuisut siusinnerusukkut aalajangiineri innersuussutigalugit matumuuna tunniunneqassaaq.

[...]

Immikkut akuersissutaagallartoq piunasaqaatitalik

Angallatip I-p aqutsiveqarfimmi X-imi Nunaqarfiup N-pi eqqaani qalerallinnut allanullu pisarisuukkanut atorneqarnissaanut immikkut akuersissutaagallartoq piunasaqaatitalik Naalakkersuisoqarfiup Aalisarnermi suliffeqarfimmut D-mut tunniuppaa.

[...]

Akuersissummi atugassarititaasut piunasaqaatillu makku atuupput:

1. Akuersissut sumiiffimmi uani atuuppoq: **Aqutsiveqarfik X**

[...]

3. Akuersissut piffissami uani atuuppoq: **26. juli 2016 – 31. januar 2017**” (Ombudsmandeqarfimmi nutsigaavoq)

Aalisarnermi suliffeqarfimmi A-mi sulisup e-maili Aalisarnermi suliffeqarfik D sinnerlugu Aalisarnermut, Piniarnermut Nunalerinermullu Naalackersuisoqarfimmut 19. august 2016-imi nassiuppaa. E-mailimit tassanga ilaatigut makku erserput:

”Pineqartoq: Angallatip I-p Nunaqarfiup N-ip eqqaani sumiiffigisinnaasaanik tusarniaaneq

Nunaqarfimmi N-imi aalisartunit piumaffigineqaratta matumuuna tusarniarparput taman-na periarfissaqarnerseq. Aalisartut piumasaqaataat allagaq ilannguppara. Tassani takuneqarsinnaapput tunngavilersuutit kiisalu immap assingani sumiitikkusunneqarnerseq Angallat I [immap assinga taanna tigunngilara; immap assinga taanna suliap ingerlasimanerani allaaserinninnermi matumani sukumiinerusumik eqqaaneqarpoq; uanga ilanngussara]. Taamatut akuersissutaasup iluani periarfissaqarnerseq tusarniutigaarput. Neriuppunga piaartumik akineqarsinnaassalluta.”

E-mailip allap suliffeqarfiup suliffissuup pisortaanit tigusimasaata oqaasertai Aalisarnermi suliffeqarfiup A-p e-mailimut tassunga ilanngullugu aamma nassiuppai. Tassanga ilaatigut makku erserput:

”Silap atoruminaalliarternera kiisalu aalisakkat takkusimaarpianninneri Nunaqarfiup N-ip saavani, kisaatigineqarpoq [...] -mi [...] -miluunniit kisarsimasarsinnaanera. Makku ilaatigut peqqutigalugit: Nunaqarfiup N-ip savaani aalisartoqannginnera iluamik, [...] -mi [...] -milu aalisartoqarnerugami Nunaqarfimmi N-imiinnaanngitsunillu aamma taakkunani aalisartoqarluni, tassanilu naatsorsuutigisinnaagipput qaleralinnik tigooraalluarsinnaasugut taakani aalisartoqarluortoq oqaatigineqarmat aalisartut tungaanninngaanniit.

Aalisartunullu tunitsivigissalluta ungasinnerput anorlilertariartortillugu kajumiginarneruvoq [...] -miissagutta [...] -miluunniit, iluanaarnerussagutta tunitsivitsinnut.”

Angallammit angallammut allamut usingiarnissamut akuersissut nutaaq Aalisarnermut, Piniarnermut Nunalerinermullu Naalackersuisoqarfiup Aalisarnermi suliffeqarfimmut B-mut 24. august 2016-imi tunniuppaa, tassangalu ilaatigut makku erserput:

“Aalisarnermi suliffeqarfimmi B-mi Angallatip G-p angallammit angallammut allamut usingiarnissaanut akuersissut

Angallammi uani angallammit angallammut allamut usingiarnissamut angallammi tunisasiornertalimmut akuersissut aalisarneq pillugu inatsimmi nr. 18-imi, 31. oktober 1996-i-meersumi § 12 kiisalu Naalakkersuisut siusinnerusukkut aalajangiineri innersuussutigalugit matumuuna tunniunneqassaaq.

[...]

Immikkut akuersissutaagallartoq piumasaaqatitalik:

Angallatip G-p aqutsiveqarfimmi X-imi, erseqqinnerusumik taallugu avannamut[...]° , kimmut [...]° kiisalu kujammut [...]° , qaleralinnut allanullu pisarisuukkanut angallammit angallammut allamut usingiarfittut atorpeqarnissaanut immikkut akuersissutaagallartoq piumasaaqatitalik Naalakkersuisoqarfiup Aalisarnermi suliffeqarfimmut B-mut tunniuppaa.

[...]

Akuersissummi atugassarititaasut piumasaaqatillu makku atuuppuput:

1. Akuersissut sumiiffimmi uani atuuppoq: **Aqutsiveqarfik X, erseqqinnerusumik taallugu avannamut [...]° , kimmut [...]° kiisalu kujammut [...]°**

[...]

3. Akuersissut piffissami uani atuuppoq: **20. maj 2016 – 31. december 2017”**

(Ombudsmandeqarfimmi nutsigaavoq)

Aalisarnermi suliffeqarfimmi A-mi sulisup e-maili – uanga paasisattut Aalisarnermi suliffeqarfik C sinnerlugu – Aalisarnermut, Piniarnermut Nunalerinermullu Naalakkersuisoqarfimmut 30. august 2016-imi nassiuppaa, Angallammut I-mut Illoqarfiup P-p eqqaani Angallat H taarserlugu angallammit angallammut allamut usingiarnissamut akuersissut Aalisarnermi suliffeqarfiup A-p kissaatigigaa, taamaalilluni angallat taanna Nunaqarfiup M-ip [...] -llu eqqaanni umiarsuartut tunitsivittut atorpeqarsinnaaqqullugu.

Aalajangiineq nutaaq Aalisarnermut, Piniarnermut Nunalerinermullu Naalakkersuisoqarfiup Aalisarnermi suliffeqarfimmut A-mut 31. august 2016-imi nassiuppaa, tassanngalu ilaatigut makku erserput:

“Aalisarnermi suliffeqarfimmi C-mi Angallatip I-p angallammit angallammut allamut usingiarnissaanut akuersissut

Angallammi uani angallammit angallammut allamut usingiarnissamut angallammi tunisasionertalimmut akuersissut aalisarneq pillugu inatsimmi nr. 18-imi, 31. oktober 1996-i-meersumi § 12 kiisalu Naalakkersuisut siusinnerusukkut aalajangiineri innersuussutigalugit matumuuna tunniunneqassaaq:

[...]

Immikkut akuersissutaagallartoq piumasaqaatitalik:

Angallatip I-p aqutsiveqarfimmi Y-mi, erseqqinnerusumik taallugu avannamut [...]°⁰, kujammut [...]°⁰, kimmut [...]°⁰ kiisalu kangimut [...]°⁰, qaleralinnut allanullu pjarisuukkanut angallammit angallammut allamut usingiarfittut atornerqarnissaanut immikkut akuersissutaagallartoq piumasaqaatitalik Naalakkersuisoqarfiup Aalisarnermi suliffeqarfimmut C-mut tunniuppaa.

[...]

3. Akuersissut piffissami uani atuuppoq: **1. juli – 31. december 2016**” (Ombudsmandeqarfimmi nutsigaavoq)

Aalajangiineq nutaaq Aalisarnermut, Piniarnermut Nunalerinermullu Naalakkersuisoqarfiup Aalisarnermi suliffeqarfimmut D-mut 31. august 2016-imi nalunaarutigaa, tassanngalu ilaatigut makku erserput:

“Angallatip H-p umiarsuartut tunitsivilionneqarnissaanut akuersissut

Angallammi uani angallammit angallammut allamut usingiarnissamut angallammi tunisasionertalimmut akuersissut aalisarneq pillugu inatsimmi nr. 18-imi, 31. oktober 1996-i-meersumi § 12 kiisalu Naalakkersuisut siusinnerusukkut aalajangiineri innersuussutigalugit matumuuna tunniunneqassaaq.

[...]

Immikkut akuersissutaagallarteq piunasaqaatitalik:

Angallatip H-p aqutsiveqarfimmi X-imi Nunaqarfiup N-ip eqqaanni, erseqqinnerusumik taallugu avannamut [...]°⁰, kimmut [...]°⁰, kujammut [...]°⁰ kiisalu kangimut [...]°⁰, qaleralinnut allanullu piasisuukkanut atorneqarnissaanut immikkut akuersissutaagallarteq piunasaqaatitalik Naalakkersuisoqarfiup Aalisarnermi suliffeqarfimmut D-mut tunniuppaa.

[...]

2. Akuersissut piffissami uani atuuppoq: **26. juli – 31. januar 2017**” (Ombudsmandeqarfimmi nutsigaavoq)

Aalisarnermi suliffeqarfik A uannut e-mailikkut 12. oktober 2016-imeersukut naammagittaalliorpoq. Naammagittaalliummit ilaatigut makku erserput:

“Angallatinut G-mut, H-mut kiisalu I-mut angallammit angallammut allamut usingiarnissamut akuersissutinik Aalisarnermi suliffeqarfiup A-p qinnuteqaataanik Aalisarnermut, Piniarnermut Nunalerinermullu Naalakkersuisoqarfiup suliarinninnera pillugu.

Aalisarnermi suliffeqarfiup A-p ataani ingerlatseqatigiiffiit Aalisarnermi suliffeqarfik B, Aalisarnermi suliffeqarfik C kiisalu Aalisarnermi suliffeqarfik D tamarmik aqutsiveqarfimmini angallammit angallammut allamut usingiarnermik taaneqartumut akuersissummik qinnuteqarsimapput. Pineqartut tassaapput aqutsiveqarfiit X aamma Y. Qinnuteqaateqartut pingasut tamarmik angallammit angallammut allamut usingiarnissamut akuersissummik tunineqarsimapput, taakkuninngali suliarinninneq isornarluinnarsimavoq. Isumaqarpugut Naalakkersuisoqarfiup suliamik suliarinninnermini ingerlatsineq pillugu nalinginnaasumik inatsiseqartitsineq ingerlatsinermilu ileqqorissaarneq malissimangikkai.

Illoqarfiup O-p eqqaani aalisartunit aasap ingerlanerani saaffiginnissuterpaalussuit tigusi-mavavut, taakkualu angallatit tunitsiviit Angallatip G-p aamma Angallatip I-p sumi inissitarnerat eqaannerussasoq aalisarfinnullu orniguttassasut aalisakkanillu tigooraasassasut kissaatigimmassuk Naalakkersuisoqarfimmi sulisunut assigiinngitsunut saaffiginnittarsimavugut. Tamannali aaqqiisuteqavinnermik nassataqarsimangilaq.

Taamaattumik paasiniaagatta unammillertitta Aalisarnermi suliffeqarfiup E-p aqutsiveqarfimmi X-imi angallammit angallammut allamut usingiarnissamut akuersissutaataa pissarsiaraarput, takusinnaallugulu Angallat F angallammit angallammut allamut usingiarnissamut akuersissummik aqutsiveqarfimmut TAMARMUT atuuttumik tunineqarsimasoq, taamaalillunilu aalisakkanik tunineqartussanik sumulluunniit aalleqattaarsinnaasoq. Tamatumma iliuuseqartariaqalersippaatigut Inatsisartut Ombudsmandiannut saaffiginnikkut, isu-

maqarattami Aalisarnermut, Piniarnermut Nunalerinermullu Naalackersuisoqarfiup aalisakkanik suliffissuaqarnermik ingerlatsisut assigiinngitsumik pisariaqanngikkai. Taamatut assigiinngisitsinerup Aalisarnermi suliffeqarfiup B-p ingerlatseqatigiiffiillu sinnerisa unammilleqataaniarnerat aningaasarsiornerallu nukillaarsarpai.

Suliat pingasut taakku ataasiakkaarlutik imminnut assigeeqimmata Angallatip G-p angallammit angallammut allamut usingiarnissamut akuersissutaataata ingerlasimanera pillugu nassuiaateqassaagut. Angallammit angallammut allamut usingiarnissamut akuersissut taanna Aalisarnermi suliffeqarfiup A-p Nunaqarfimmi L-imi aalisakkanik suliffissualiulersaarnera tunngavigalugu tunniunneqarpoq.

Angallammit angallammut allamut usingiarnissamut akuersissut eqqarsaatigalugu Aalisarnermi suliffeqarfimmi A-mi sulisut assigiinngitsut Aalisarnermut, Piniarnermut Nunalerinermullu Naalackersuisoqarfimmut saaffiginnittarsimapput, Angallatip G-p angallammit angallammut allamut usingiarnissamut akuersissutaataata aqutsiveqarfimmi X-imi tamarmi atuuttuunissaa anguniarlugu, taamaaliornikkut Kangerlummi R-imi aalisakkat aalisarfinni assigiinngitsuni ingerlaarnerat killilersugaanngitsumik malinnaaffigisinnaajumallugu. Saaffiginnissutit taakku annikitsuararsuaannartigut akineqartarsimapput, Naalackersuisoqarfiullu aalajangiinerisa naammagittaalliutigineqarsinnaanerannut periarfissat pillugit ilitsersuisoqarsimanngisaannarluni. Angallatip G-p angallammit angallammut allamut usingiarnissamut akuersissutaataa sumiiffimmut aalajangersimalluinnartumut killiligaavoq, sumiiffiup kisitsisitai taallugit, ilanngussaq takuuk.

Inatsisartut Ombudsmandiat matumuuna qinnuiginiarparput angallammit angallammut allamut usingiarnissamut akuersissutit pingasut taakku pillugit suliat suliarineqarnerat mississoqqullugu, akuersissutimmi taakku pissutigalugit suliniutit imminnut akilersinnaanerat annikilleriarsimammat, ajornerpaaffianilu ingerlatseqatigiiffinnut amigartoorutaalersimallutik, aalisarnermik ingerlatseqatigiiffiit aalisakkanik tunisassiassatut tunineqartunik suliarinnittartut aqutsiveqarfimmi Y-mi X-imilu kiisalu Illoqarfimmi O-mi assigiinngisitsivigineqarnerat pissutigalugu.

Aalisarnermi suliffeqarfiup B-p Angallammut G-imut angallammit angallammut allamut usingiarnissamut akuersissutaataa [24. august 2016-imeersoq; uanga ilanngussara] kiisalu Aalisarnermi suliffeqarfiup E-p Angallammut F-imut angallammit angallammut allamut usingiarnissamut akuersissutaataa [2. marts 2016-imeersoq; uanga ilanngussara] ilanngussatut nassiuppakka. Itisilerutaasunik apeqqutissaqarussi ikiuunnissatsinnut piareersimavugut, kiisalu Naalackersuisoqarfiup sulisuttalu attaveqatigiinneranni allagaasarsimasut uppersaaseqquneqarpata uppersaasiinissatsinnut piareersimalluta." (Ombudsmandeqarfimmi nutsigaavoq)

Sulisuma ilaat Aalisarnermi suliffeqarfimmut A-mut 14. oktober 2016-imi sianerpoq, naammagittaalliuullu pillugu arlalinnik qulaajaataasunik apeqquteqarluni.

Sulisora paasitineqarpoq suliffeqarfiup ataani ingerlatseqatigiiffiit angallammit angallamut allamut usingiarnissamut akuersissutinik nunap ilaani sumiiffinnit qinnutigineqartunit annikinnerusuni atugassanik tunineqarsimanagerat – Aalisarnermilu suliffeqarfiup E-p angallammit angallamut allamut usingiarnissamut akuersissummik tassannga allaasumik killilerneqarsimasumik tunineqarsimanagera Aalisarnermi suliffeqarfiup A-p naammagittaalliuutigigai.

Sulisuma ilaat aammattaaq paasitineqarpoq suliffeqarfiup saaffiginnissutaasa tamakkerlutik Aalisarnermut, Piniarnermut Nunalerinermullu Naalakkersuisoqarfimmit akineqartarsimannginnerat, suliani aalajangiinerit tungavilersuutinik sukumiisunik nunap ilaani sumiiffinni aalajangersimasuni killiliinernut nassuiaataasunik ilaqartinneqartannginnerat aamma Aalisarnermi suliffeqarfiup A-p naammagittaalliornissamut periarfissaq pillugu ilitsersummik tigusaqarsimannginnera Aalisarnermi suliffeqarfiup A-p aamma naammagittaalliuutigigai.

Aalisarnermi suliffeqarfiup A-p naammagittaalliuutaata assiliner aamma qulaani taaneqartut pillugit allakkiaq Aalisarnermut, Piniarnermut Nunalerinermullu Naalakkersuisoqarfimmut allakkatigut 19. oktober 2016-imeersutigut nassiuppakka. Naalakkersuisoqarfik qinnuigaara suliami allagaatit suliarlu pillugu oqaaseqaat uannut nassiateqqullugit. Naalakkersuisoqarfik tamatumunnga atatillugu ilaatigut qinnuigaara suliani angallammit angallammut allamut usingiarnissamut akuersissutinut tunngasuni periaatsini pillugu nassuiaateqaqqullugu.

Taamani Aalisarnermut, Piniarnermut Nunalerinermullu Naalakkersuisoqarfiusup allakkatigut 21. december 2016-imeersutigut ilaatigut imatut akivaannga:

“Kalaallit angallataanni tunisassiorneq aalisarneq pillugu inatsimmi § 12, imm. 1-ikkut aalajangersaavigineqarpoq, kalaallillu aamma nunani allamiut angallataanni angallammit angallammut allamut usingiartarneq aalisarneq pillugu inatsimmi § 12, imm. 2-ikkut aalajangersaavigineqarluni.

Aalajangersakkat marluk taakku umiarsuarnik tunitsivilisarnermut tunngaviupput.

Qaleralinniarnermi umiarsuarnik tunitsivilisarnermi tunaartarisassat erseqqinnerusut “Qaleralinniarnermi umiarsuarnik tunitsivilinissamut tunaartarisassat”-ni oktober 2013-imeersuni ilanngullugit nassiunneqartuni takuneqarsinnaapput [Naalackersuisoqarfiup oqaaseqaataa tassani quppernerup ataani nassuiaasiussamik peqarpoq: “Umiarsuarnik tunitsivilinissamut tunngaviit” Naalackersuisunit 10. oktober 2013-imi akuerineqarput. Aalisarnerli pillugu inatsit Naalackersuisut umiarsuarnik tunitsivilisarneq pillugu malittarisassanik aalajangersaasinnaanernut tunngavissamik imaqanngilaq. Tunngaviit taakku inatsiseqartitsinerli aallaavittut qanoq ililluni taaneqarsinnaanerit erseqqarlukkaluartoq erseqqissarneqassaaq tunngaviit taakku Aalisarnermut Piniarnermullu Naalackersuisoqarfiup angallammit angallammut allamut usingiarnissamut akuersissutinik qinnuteqaatit suliarineqarnerini malittarai]:

- *“Tunisinerli akitigut unammilleqatigiinneq ammaanneqassasoq kissaatigineqarpat aqutsiveqarfinni Upernavimmi aamma Uummannami umiarsuarnik qaleralinnut tunitsivilisoqarnissaanut akuersissutaagallartumik tunniussisoqarsinnaavoq. Aatsaat taamaaliortoqassaaq nunami tunitsiviup nutaap aningaasalersorneqarnissaa siunertarineqarpat.*
 - *Umiarsuit tunisassiorfiusut kisimik akuersissummik tunineqarsinnaapput.*
 - *Ingerlatseqatigiiffiit aqutsiveqarfimmi nunami tunitsiviutillit kisimik akuersissutinik tunineqarsinnaapput.*
 - *Nunami tunitsivimmik nutaamik tunitsiviit pioreersut atugaasa assingini atugassaqartitaalluni sanaartornermi ukiunut marlunnut iliuusissamut pilersaarut aqutsiveqarfinni marlunni taakkunani umiarsuarnik qaleralinnut tunitsivilisoqarnissaanik qinnuteqaatitut ilanngunneqassapput. Innaallagissamik imermillu pilersuineq, uumasut nakorsaanit akuersissut, nunaminertamik tunniussineq, illussanik titartaasartut titartagaat il.il. eqqarsaatigalugit uppersaasiisoqarnissaa piumasaqaatigineqartassaaq.”*
- [...]

Qulaani taaneqartut saniatigut umiarsuarnik tunitsivilisarnermi tunaartarisassat nassatarisaannik ataatsimut piumasaqaatit arlallit atuupput, taakkunanngalu erserpoq:

- *Umiarsuarnik tunitsivilinermut akuersissutit atuuffii sumiiffinnut erseqqinnerusumik nassuiarneqarsimasunut killilerneqartassapput, kommunit killeqarfii salliutinnagit.”* [...]

Aalisarnermut, Piniarnermut Nunalerinermullu Naalackersuisoqarfiup (Naalackersuisoqarfiup) nunap ilaani sumiiffimmi aalajangersimasumi atuuttussatut killiliineq qinnuteqaammi paasissutissiissutigineqartut sumiiffimmi pineqartumi tunitsiveqarnermi pissutsinut pio-reersunut ataqatigiinneqartillugit naliliisarnera ataatsimut periaasiuvoq. Qinnuteqaatigineqartumut sanilliullugu sumiiffimmi tassani sumiiffiulluunniit ilaani tunisinissamut periarfisaqarluareerpat qinnuteqaatip tamarmi itigartinneqarneranut taarsiullugu sumiiffimmik Naalackersuisoqarfiup annikilliliisarnera periaasiuvoq. Nunami suliffiit ataavartinneqarnissaat tulleriarnermi pingaartinneqarmat nunami tunitsiviit umiarsuarnut tunitsivinnut unammillertuunissaat pissusissamisuunngilaq.

Sumiiffiup umiarsuarnik tunitsiviliffiusup annikillineqarnera akuersissummi taaguutinik "*Nunaqarfiup L-ip* eqqaani imaluunniit "*Illoqarfiup [...] -p qanittuani*"-mik atuinikkut pisarpoq. [...]

Umiarsuarmik tunitsivilinissamut akuersissutit nunami tunitsivimmik pilersitsinermut atattillugu tunniunneqartarput, taamaattumillu akuersissutip sumiiffiata sumiiffimmut tunitsiviup qanittuanut killilerneqartarnera aamma pissusissamisoornerpaajuvoq. Tunitsivik sananeqartarpoq tunisisoqarnissaanut periarfissiiniarluni, umiarsuarmillu tunitsivilinermut akuersissut tunniunneqartarpoq sumiiffimmi tassani tunitsiviup sananeqarnerata inerneqarnissaata tungaanut tunisineq ammaanniarlugu.

Naalackersuisoqarfiup misigisarsimavaa taaguutit erseqqarluttut soorlu "*Nunaqarfiup L-ip eqqaani*"-tut imaluunniit "*Illoqarfiup [...] -p qanittuani*"-tut ittut [...] angallammit angallammut allamut usingiarnissamut akuersissutit ataasiakkaat nunap ilaani sumiiffinnut aalajangersimasunut killiligaaneri eqqarsaatigalugit paatsuuinernik pilersitsinnaasartut. Taamaattumik Naalackersuisoqarfiup periaatsini allanngortippaa, taamaalillutik angallammit angallammut allamut usingiarnissamut akuersissutit ataasiakkaat nunap ilaani sumiiffinni aalajangersimasuni killiligaaneri kisitsisit (koordinater) atorlugit siunissami nalunaar-neqartalissallutik.

3 pillugu.

"Umiarsuarnik tunitsivilisarnermut tunngaviit"-nit erserpoq "*tunisinermi akitigut unammilleqatigiinnerup ammaanneqarnissaanik kissaateqarfiusuni aqutsiveqarfimmi Upernavimmi aamma aqutsiveqarfimmi Ummannami umiarsuarnik qaleralinnut tunitsivilinissamut akuersissutaagallartunik tunniussisoqarsinnaavoq*" [...]. Aammattaaq erserpoq: "*Umiarsuarmik tunitsivilinissamut akuersissutit sumiiffinni aalajangersimasuni atuuttussatut killilerneqassapput, kommunit killeqarfii pingaarnerutinnagit*" [...]. Umiarsuarmik tunitsivilinernerup sumiiffimmi unammilleqatigiiffiunngitsumi unammilleqatigiinnerup ammaanneqarnissaa siunertarimmagu sumiiffiup umiarsuarmik tunitsiviliffiusup nunap ilaanut sumiiffimmut unammilleqatigiiffiunngitsumut inissinneqarnissaa pisariaqarpoq. Tassa Naalackersuisoqarfik suliani makkunani umiarsuarnik tunitsiviit pisariaqartinneqarnerat sumiiffinni qinnutigineqartuni unammilleqatigiinneq isiginiarlugu naliliisarsimavoq, taamaalillunilu

paasisarlugu sumiiffimmi qinnuteqaatigineqartumi tamarmiunngitsumi unammilleqatigiinneq pisariaqartinneqartoq.

Naalackersuisoqarfiup nassuerutigaa akuersissut sumiiffiup qinnuteqaatigineqartup ilaanaanut sooq atuunnersoq tunngavilersuummik imaqarsimasariaqaraluartoq. Tamanna Naalackersuisoqarfiup siunissami aaqqinniarpaa.

4 pillugu.

Ilumoorpoq Aalisarnermi suliffeqarfik E aqutsiveqarfimmut tamarmut atuuttumik akuersissutaateqarmat. Tamatumunnga pissutaavoq Aalisarnermi suliffeqarfiup E-p – ingerlatseqatigiiffinit allanit allaassutigalugu – aqutsiveqarfimmi tassani tallimarsuarnik tunitsiviteqarnera. Aalisarnermi suliffeqarfik E aqutsiveqarfimmi umiarsuarnik tunitsiviliinissaminut ingerlatsiveqarfimmi tunitsiviutimi suliffissuaammilu annersaata, tassalu Illoqarfimmi O-mi suliffissuup, nutarterneqarneranut allanngortiterneqarneranullu atatillugu akuerineqarpoq. Suliffissuaq taanna aalisarlualeruttoq nalaani aqutsiveqarfimmi Aalisarnermi suliffeqarfiup E-p tunitsiviutaanut allanut oqilisaassisutut aamma atorneqartarpoq, qaleralinnik tunitsivinnut allanut tunineqartunik tassunga assartuisoqartarneratigut.” (Ombudsmandeqarfimmi nutsigaavoq)

Suliami allagaatit aamma “Umiarsuarnik tunitsiviliinissamut tunngaviit” allakkani taaneqartut Naalackersuisoqarfiup allagaanut ilanngullugit nassiunneqarput.

Naalackersuisoqarfiup oqaaseqaataa Aalisarnermi suliffeqarfimmut A-mut 10. februar 2017-imi nassiuppara, taamaalilluni suliffeqarfik Naalackersuisoqarfiup suliamik paasinninneranik isummerfiginninnissaminut periarfissaqarsinnaaqqullugu.

Sulisuma ilaata Aalisarnermi suliffeqarfik A 2017-imi septemberimi arlaleriarluni sianerfigaa, suliffeqarfiup suliamik paasinninnera paasiniarlugu. Sulisora taanna ilaatigut paasitinneqarpoq Angallatip G-p angallammit angallammut allamut usingiarnissamut akuersissutaataata (24. august 2016-imeersup) aamma Angallatip H-p Angallatillu I-p angallammit angallammut allamut usingiarnissamut akuersissutaataasa (marluullutik 31. august 2016-imeersut) nunap ilaani sumiiffinni aalajangersimasuni atuuttussatut killili-gaenerat – Aalisarnermi suliffeqarfiup E-p Angallatip F-ip angallammit angallammut allamut usingiarnissamut akuersissutaataanut Kangerlummi R-

imi tamarmi atuuttussatut killiligaasunut ataneqartillugu - erseqqinnerusu-
mik naammagittaalliuutiginiaraa.

Apeqqutit amerlanerusut taamani Aalisarnermut Piniarnermullu Naalakker-
suisoqarfiusumut tamatuma kingornatigut allakkatigut 5. oktober 2017-i-
meersutigut nassiuppakka. Aalajangiinerit pingasut taakku qulaani taane-
qartut allakkanni innersuussutigaaakka, Naalackersuisoqarfillu ilaatigut qin-
nuigalugu aalajangiinerni pissusiviusutigut tunngaviit pillugit nassuiaateqaq-
qullugu. Naalackersuisoqarfik aammattaaq qinnuigaara suliani taakkunani
suliami illua'tungiusut isumaannik tusarniaasoqarnissaa eqqarsaatigalugu
Naalackersuisoqarfiup isumaliutersuutai pillugit nassuiaateqaqqullugu. Kiisa-
lu Naalackersuisoqarfik qinnuigaara suliami allagaatinik amerlanerusunik
peqarpat taakku uannut nassiateqqullugit.

Taamani Aalisarnermut Nunalerinermullu Naalackersuisoqarfiusup allakkati-
gut 5. februar 2018-imeersutigut akivaanga, tassangalu ilaatigut makku
erserput:

“Suliami piviusuni tunngavigineqartut

“Umiarsuarnik tunitsivilinissamut tunngaviit”-ni takuneqarsinnaavoq tunisiner-
mi akitigut unammilleqatigiinnerup sakkortusineqarnissaanik kissaateqarfiusumi qaleralinnik umiarsu-
armik tunitsivilinissamut akuersisoqarsinnaasoq. Peqatigisaanik takuneqarsinnaavoq qin-
nuteqartup nunami tunitsivimmik nutaamik sanaartorneranut atatillugu akuersisoqassa-
soq. Tassunga ilanngullugu aamma annertuumik iluarsaassisoqarnerani imaluunniit tunit-
sivioereersup allanngortinnerani akuersissuteqartoqarsinnaalluni.

Aalisarnermi suliffeqarfimmut B-mut, Aalisarnermi suliffeqarfimmut C-mut aamma Aali-
sarnermi suliffeqarfimmut D-mut atuuttut tassaapput ingerlatseqatigiiffiit ataatsikkut nu-
nami tunitsivinnik nutaanik sanaartorneri tunuliaqutaralugit umiarsuarmik tunitsivilinissa-
mut akuersissummik ingerlatseqatigiiffiit pingasut tamarmik tunineqarsimallutik. Umiar-
suarmik tunitsivilinissaq pillugu qinnuteqaammut atatillugu ingerlatseqatigiiffiit nunami
tunitsivimmik sanaartornissaq pillugu pilersaarut pillugu nassuiaateqarsimapput.

Immersugassiami immikkoortoq 17-ip ataani “Angallammik tunitsivilinissamut akuersis-
suteqarnissaq pillugu qinnuteqaat, aalisarneq pillugu Inatsisartut inatsisaanni § 12 naa-
pertorlugu” [...] takuneqarsinnaavoq, tunisinerup sulimi ingerlanneqarnissaanut kommuni
sumiiffillu qinnuteqartumit immersorneqassasoq.

“Angallammik tunitsivilinissamut akuersissuteqarnissaq pillugu qinnuteqaammut ilitser-suut”-mi [...] erseqqissarneqarpoq *“sumiiffimmi kommunimilu sorlermi umiarsualiinissaq ingerlanneqassanersoq nalunaarutigineqassasoq. Umiarsualiinissamut akuersissut nunami sumiiffimmut aalajangersimasumut ataasiinnarmut tunniunneqassaaq. Sumiiffiup anner-tusineqarnera taamaallaat akuerineqarsinnaavoq biologit siunnersuinerat, pisassiissutit a-kuerineqartut tamakkiisumik annertussusaattut aalajangiineq, pisat pisarineqareersut an-ner-tussusaat, nunami tunitsivimmi pissutsit aamma tunisinermi akigitinneqartussatut na-lunaarutigineqartut tamanna ajornartinnngippassuk pisariaqartippassullu.”* [...]

“Umiarsuarnik tunitsivilinissamut tunngavinnit” takuneqarsinnaavoq *“angallammik tunit-sivilinissamut akuersissutit kommunip killeqarfia pinnagu sumiiffimmut erseqqinnerusu-mik nassuiarneqartumut killeqartinneqassasoq”*. [...]

Aalisarnermi suliffeqarfik B umiarsuarmik tunitsivilinissamut akuersissummik ulloq 28. april 2016-imi qinnuteqaatiminni immikkoortoq 17-imi allassimavaat umiarsuup tunitsivi-up sumiiffia tassaasoq Qaasuitsup Kommunia (Illoqarfik O).

Akuersissummi 20. maj 2016-imeersumi takuneqarsinnaavoq aqutsivik X-imi Nunaqarfiup L-ip eqqaani umiarsuarmik tunitsivilinissamut Aalisarnermi suliffeqarfik B akuerineqarsimasoq.

Akuersissummi 24. august 2016-imeersumi takuneqarsinnaavoq aqutsivik X-imi B-p Nunaqarfiup L-ip eqqaani umiarsuarmik tunitsivilinissamut Aalisarnermi suliffeqarfiup B-p akuersissutaani sumiiffik [...]° N, [...]° S kiisalu [...]° V-tut erseqqinnerusumik nassuiarneqarsimasoq.

Aalisarnermi suliffeqarfik C umiarsuarmik tunitsivilinissamut akuersissummik ulloq 17. februar 2016-imi qinnuteqaatimini immikkoortoq 17-imi allassimavaa umiarsuup tunitsivi-up sumiiffia tassaasoq Qaasuitsup Kommunia (Illoqarfik P).

Akuersissummi 1. marts 2016-imeersumi takuneqarsinnaavoq aqutsivik X-imi umiarsuarmik tunitsivilinissamut akuersissummik Aalisarnermi suliffeqarfik C tunineqarsimasoq.

Akuersissummi 31. august 2016-imeersumi takuneqarsinnaavoq aqutsivimmi Y-mi umiarsuarmik tunitsivilinissamut Aalisarnermi suliffeqarfiup C-p akuersissutaani sumiiffik [...]° N, [...]° S, [...]° V aamma [...]° Ø nassuiarneqarsimasoq.

Aalisarnermi suliffeqarfik D umiarsuarmik tunitsivilinissamut akuersissummik ulloq 22. februar 2016-imi qinnuteqaatimini immikkoortoq 17-imi allassimavaat umiarsuup tunitsivi-up sumiiffia tassaasoq Qaasuitsup Kommunia (Illoqarfik O).

Akuersissummi 26. juli 2016-imeersumi takuneqarsinnaavoq aqutsiveqarfimmi X-imi Nunaqarfiup N-ip eqqaani umiarsuarmik tunitsiviliinissamut Aalisarnermi suliffeqarfik D akuerineqarsimasoq.

Akuersissummi 31. august 2016-imeersumi takuneqarsinnaavoq aqutsiveqarfik X umiarsuarmik tunitsiviliinissamut Aalisarnermi suliffeqarfiup D-p akuersissutaani sumiiffik [...]° N, [...]° V, [...]° S aamma [...]° Ø erseqqinnerusumik nassuiarneqarsimasoq.

Suliami peqataasumik tusarniaaneq

[...]

Erseqqissarneqassaaq umiarsuarmik tunitsiviliisoqarnerani siunertaq tassaangimmat sumiiffimmi unammilleqatigiinnerup annertusineqarnissaa, kisiannili umiarsuarmik tunitsiviliineq akerlianik aningaasalersuinissamut periarfissatut atorineqassasoq imaluunniit tunitsivissatut periarfissaagallartutut, nunami tunitsiviup pilersinneqarnissaata tungaanut. Nunami tunitsiviup unammilleqatigiinneq sakkortunerulersissavaa. Naalakkersuisoqarfiup Inatsisartut Ombudsmandiannut oqaaseqaataa 21. december 2012-imeersoq [eqqortoq tassaavoq 2016-imeersoq; uanga ilanngussara] naapertorlugu imatut isumaqartoqarsinnaavoq umiarsuarmik tunitsiviliinermi siunertaq tassaasoq sumiiffimmi aalajangersimasumi unammilleqatigiinnerup annertusinissaa.

Pissusissamisoortuuvorli umiarsuit tunitsiviusut nunami tunitsivimmi suliami peqataasup sanaartorfigisaani aamma sumiiffimmi ingerlataqarnissaat. Sumiiffimmik killiliineq taamaattumik pisinnaatitaaffittut iluseqarpoq pisimasuiunani.”

Naalakkersuisoqarfiup oqaaseqaataa Aalisarnermi suliffeqarfimmut A-mut 28. februar 2018-imi nassiuppara. Suliffeqarfik qinnuigaara oqaaseqaatissaqaruni oqaaseqaatini uannut nassiateqqullugit.

Ulloq taanna apeqqutit amerlanerusut taamani Aalisarnermut Piniarnermullu Naalakkersuisoqarfiusumut nassiuppakka. Angallammit angallammut allamut usingiarnissamut akuersissutit nunap ilaani sumi aalajangersimasumi atuuttussatut killilerneqarneranni periaatsip allanngortinneqarnera, suliat pissusiviusutigut tunngavii aamma suliami illua'tungiusup isumaanik tusarniaasoqarsimasariaqaraluarnera pillugu Naalakkersuisoqarfiup isumaliutersuutai Naalakkersuisoqarfimmut tamatumunnga atatillugu ilaatigut apeqqutigaakka.

Arlaleriaqalunga nukingisaarisareerlunga Aalisarnermut, Piniarnermut Nuna-
lerinermullu Naalackersuisoqarfiup akissutaa 16. juli 2018-imi tiguara. Naa-
lackersuisoqarfik tassani ilaatigut imatut allappoq:

**“2-mut tunngasoq - Naalackersuisoqarfiup suleriaatsiminik allannguina pillugu
apeqqummut**

Nunap immikkoortuinut nassuiaatit allanngortinneqarnerat

Naalackersuisoqarfik 21. december 2016-Imi Inatsisartut Ombudsmandiannut oqaase-
qaammini allappoq suleriaatsini allanngortissimallugu, taamaalilluni usinik nuussinissamut
akuersissuteqarfiusoq nunap assingani naleqqanik allassimasoqalerluni, ass. ima allassi-
maannarunnaarluni “aqutsiveqarfimmi X-imi sumiiffimmi Nunaqarfiup L-ip nalaani”. Taa-
matut aalajangiisoqarpoq qulakkeerniarlugu eqqoqqissaanngitsumik killiliisoqartillugu u-
miarsuarnik tunitsiviliniarnermi sumiiffissaat pillugit paatsuisoqaqqunagu.

Apeqqut tamanna Aalisarnek pillugu Siunnersuisoqatigiit 11. februar 2016-imi ataatsi-
miinneranni eqqaaneqarpoq, tassani eqqartorneqarluni suleqatigiissitaliortoqarnissaa,
taakkulu suliassarissallugu tunitsivissanik umiarsualiinermi suleriaatsit misissoriallugit nu-
tarnernissaannut siunnersuusiornissaq. Tassunga atatillugu kissaatigineqarpoq tunitsivis-
samik umiarsualiinermi sumi tigooqqaasarnissaa pillugu ersarinnerusumik killiliisoqassa-
soq, tassunga ilaalluni naleqqanik atuilernerq. Naak killiliinermik nassuiaanermut tunnga-
sunik allannguisoqaraluartoq usinik nuussinissamut akuersissuteqartarnermut nalunaari-
aatsinik maanna atorneqartunik allannguinerunngilaq.

Tunitsivinnik umiarsualiinermi naleqqanik august 2016-imi atuilernermi tunitsiviit umiar-
suit sumi tigooqqaasarfissaannik killiliiniarneq siunertaasimanngilaq, akerlianilli ersaris-
saaniarnerulluni angallatit sumerpiaq tigooqqaasinnaanerannik killeqarfinnik ersarissaa-
neq. Tassa taamaalilluni nalilersuiniarnermi siornatigut toqqammaviusimasut assigiinnar-
paat.

Taamaattorli naalackersuisoqarfiup paasinninnera unaavoq, tassa aalajangiinerni qinnute-
qartumut tamakkiisumik ilaliinngitsuni tunngaviusumik ilaqartinneqartassaaq, tak. pisor-
tat ingerlatsineranni suliassat suliarineqartarnerat pillugu Inatsisartut inatsisaanni nr. 8-
mi, 13. juni 1994-imeersumi § 22.

Allannguneq pillugu suliarni illuatungeriinnut ilisimatitsineq

Akuersissutigineqarallartuni sumiiffissanik nassuiaatip assersuutigalugu “aqutsiveqarfimmi
X-imi sumiiffimmi Nunaqarfiup L-ip nalaani”-mit “aqutsiveqarfimmi X-imi, avannamut
[...]”⁰-mi, kimmu [...]”⁰-mi kiisalu kujammu [...]”⁰-mi erseqqinnerusutut nassuiarneqartu-

mi"-mut allangortinneqarnissaa pillugu suliami illua'tungeriinnut immikkut ilisimatitsissutigineqanngilaq.

Naalackersuisoqarfik isumaqarpoq nalilersuisarnermut toqqammavinnut tunngatillugu suleriaaseq allangortinneqanngitsoq, taamaallaalli tunitsivissatut umiarsualiinermi sumiiffinnik killilersuineranut allatut nassuiaanerinnaalluni, matumani oqaatsit atorlugit nassuiaanermiit naleqqanut nassuiaasoqartillugu.

Tamanna tunuliaqutaralugu nalilernerqarsimavoq sumiiffiit nutaamik nassuiarneqartalerannik illua'tungeriit ilisimatinnissaat pisariaqarsimanngitsoq.

Aalisarnej pillugu Siunnersuisoqatigiinni aalisarnermik ingerlataqartut arlallit sinniisuuput, matumanilu ilaasortatut imaluunniit alaatsinaattut. Ullormi 11. februar 2016-imi ataatsimiinnermi tunitsivissatut umiarsualiinissamut suleriaatsinik misissuisussanik nutarternissaannullu siunnersuusiortussanik suleqatigiissitaliornissaq eqqartorneqarpoq, matumani naleqqat atorlugit umiarsuit tunitsivissat eqqorluinnartumik sumiissusersisarnissaat ilanngullugu eqqaaneqarpoq.

Naak tamanna Aalisarnej pillugu Siunnersuisoqatigiinni ataatsimiinnermi eqqaaneqareeraluartoq, umiarsuaatileqatigiiffiit usinik nuussinissamut akuerineqarnissamut qinnuteqaammik immersugassamik pissarsiffigisinnaasaanni, Naalackersuisoqarfiup Businessgreenlandillu nittartagaani, killeqarfiit sumiiffissinissaannut periaatsip allangortinnera pillugu ilisimatitsissutigineqarsimasuuppat tamanna innuttaasunut sullissilluarnerusinnaagaluartoq naalackersuisoqarfik isumaqarpoq.

Allanguinerup sulianut ataasiakkaanut sunniutaa

Naalackersuisoqarfiup paasinninnera tassaavoq usinik nuussisarfiit sumiiffiisa killilernerinut allanguineq sulianut ataasiakkaanut sunniuteqarnaviannngitsoq.

Tunitsivissatut umiarsualiinernut tunngavinni eqqaaneqartut malillugit kiisalu qinnuteqartut nuna tunitsivissatut kissaateqarfigisatut paasissutissiissutigisaat tunngavigalugit aqutsiveqarfinni pineqartuni tunitsiviusinnaasunik naalackersuisoqarfiup naliliinera naapertorlugi killiliisoqarpoq.

3-mut tunngasoq - usinik nuussinissamut akuersissutit paasissutissanik tunngaveqarnerannik apeqqu

Naalackersuisoqarfiup suliaq usinik nuussinissamut akuersissummik qinnuteqaammut tunngasoq aalajangiiffigissagaangamiuk tunitsiviliorinissamut tunngatillugu tunitsiveqarnikkut pissutsit pillugit paasissutissat aqutsiveqarfimmilu tunitsiviit pioreersut pillugit paasissutissat qinnuteqaammut ilaasarput.

Nunami tunitsivimmik nutaamik pilersitsinissamut paasissutissanut tunngatillugu qinnuteqartoq tassaavoq suliamut assersuutigalugu kommunimiit sanaartornissamut akuersissummut, nunaminertamik atugassiinermut, innaallagissamik, imermik eqqagassalerinermillu pilersuinermit tunngatillugu neriorsuinermit, aqqusineqartitsinermit, talittarfimmut, sulisoqarnermit, sanaartornermik ingerlatsivimmik isumaqatigiissummut kiisalu aningaaserivik aqqutigalugu qularnaveeqqusiinermut tunngasunik paasissutissiisusaaq. Paasissutissat taakku qinnuteqartumit naalackersuisoqarfimmut nassiunneqartarput. Tamatumani saniatigut nunami tunitsiviit pioreersut qinnuteqartullu nunami tunitsivissatut pilersaarutaata akornanni unammilleqatigiinnissamut ammaassinisaaq eqqarsaatigalugu naalackersuisoqarfik naliliisaaq. Tassunga ilaapput inuussutissalerinermik oqartussanit susaqqartunit umiarsuarmik tunitsiviliinissamut inuussutissalerinissamut akuersissutaanut qinnuteqartumut paasissutissat.

Nunap assingani sumiiffissaa pillugu aalajangiinermi tunngaviit piviusut naalackersuisoqarfiup aqutsiveqarfimmi tunitsiviusinnaasunik pioreersunik kiisalu qinnuteqartup nunami tunitsiviliornissamik sumi kissaateqarneranik naliliinerit tunngaveqassapput.

2016-imi Illoqarfimmi P-mi Illoqarfimmilu O-mi uku tunitsivissatut periarfissaasimapput: Aqutsiveqarfik Y Illoqarfimmi P-mi, [...] -mi, [...] -mi, [...] -mi, [...] -i, [...] -mi, [...] -i, [...] -mi, [...] -mi tamarmik Aalisarnermi suliffeqarfimmi E-mit aqunneqartunik qulingiluanik tunitsiveqarsimavoq. Aqutsiveqarfik X Illoqarfimmi O-mi, Nunaqarfimmi L-imi, [...] -mi, [...] -mi [...] -milu tamarmik Aalisarnermi suliffeqarfimmit E-mit aqunneqartunik, Illoqarfimmi O-mi [...] -mit aamma Aalisarnermi suliffeqarfimmit E-mit aqunneqartumik kiisalu Nunaqarfimmi N-imi Aalisarnermi suliffeqarfimmit D-mit aqunneqartumik katillugit arfineq marlunnik tunitsiveqarsimavoq.

Aalisarnermi suliffeqarfik B Angallat G atorlugu Nunaqarfimmi L-imi tunitsivimmik pilersitserusuppoq. Aalisarnermi suliffeqarfik C Angallat atorlugu Nunaqarfimmi M-imi tunitsivimmik pilersitserusuppoq. Aalisarnermi suliffeqarfiup D-p angallat H atorlugu Nunaqarfimmi N-imi nunami tunitsivik nutarterusuppa.

Usinik nuussinissamut akuersissutit ataasiakkaat qanoq nunap assingani sumiiffinnut killilerneqarnissaannut tunngatillugu naalackersuisoqarfiup naliliineranut qulaani pissutsit piviusut ilaapput.

4-mut tunngasoq - Illua'tungiusumik tusarniaasarnermi periaatsimut apeqqut

Paasissutissanik aalajangersimasunik suliami pissutsinut piviusunut tunngasunik

illua'tungeriinnut tusarniaaneq

Tunitsivissatut umiarsuarnut nunap assingani killiliinermut tunngatillugu naalackersuisoqarfik oqaatigineqartutut nunami tunitsivinni aqutsivimmi pioreersuni pissutsit tunngavi-

galugit tunitsiviusinnaasunik naliliissaaq, matumani qinnuteqartup tunitsivissatut sumiiffissatut kissaateqarfigisaa tunngavigalugu. Paasissutissat taakku naalackersuisoqarfiup aalajangiisarnernut pingaaruteqartorujussuupput. Paasissutissat qinnuteqartumut iluaqu-taasussaapput, matumani nunami tunitsivissamut qinnuteqartup kissaatigisaanut tunngatillugu unammilleqatigiinnissaq eqqarsaatigalugu, illua'tungaatigulli nunap assingani sumiiffiusussanik killiliineq tunitsivittut umiarsuarnut iluaqutaasusnaanani.

[...]

Suleriaatsip allanngornerata illua'tungiusumut tusarniaasarnermut sunniutaa

Naalackersuisoqarfik Isumaqarpoq aalajangiisarnermut toqqammavinnut tunngatillugu suleriaatsimik allannguisoqanngitsoq, tunisassiorfiilli sumiiffiinik killilersuisarnermut sumiiffiit nassuiarneqartarnernanut taamaallaat allannguinerulluni. Tassa imaappoq asser-suutigalugu "Nunaqarfiup L-ip eqqaani" allanngortillugu ersarissarneqassaaq sumiiffik taanna naleqqanik atuinermik taarserlugu.

[...]

Eqikkaaneq

Naalackersuisoqarfik suliami nalileeqqissimavoq, naalackersuisoqarfillu isumaqarpoq usinik nuussisarnermut akuersissutinut tunngatillugu naalackersuisoqarfiup suliamik suliarin-ninnerani suliaq erseqqissaanissamut pissutissaqartitsisoq. Ullumikkut Naalackersuisoqar-fimmut erseqqissarneqarsimavoq suliat qinnuteqartunut tamakkiisumik ilaliinngitsut ma-tumunnga pissutaasunik tapertalernerqartassasut kiisalu oqarasuaatikkut oqaloqatiginnin-nermit allakkialiorqartassasoq, matumani oqarasuaatikkut oqaloqatigiinnermi paasissu-tissanik suliami pissusiviusunik suliami aalajangiinermut pisariaqarsinnaasunik tunniussi-soqartillugu."

Aalisarnermut, Piniarnermut Nunalerinermullu Naalackersuisoqarfiup oqaa-seqaataa Aalisarnermi suliffeqarfimmut A-mut allakkatigut 13. september 2018-imeersutigut nassiuppara, taamaalilluni suliffeqarfik Naalackersuiso-qarfiup paasinninneranik isummerfiginninnissaminut periarfissaqarsinnaaq-qullugu.

Sulisuma ilaata Aalisarnermut, Piniarnermut Nunalerinermullu Naalackersui-soqarfik 2019-imi februarimi martsimilu attaveqarfigaa, e-maili Aalisarnermi suliffeqarfimmi A-mi sulisup Naalackersuisoqarfimmut Aalisarnermi suliffe-qarfik E sinnerlugu 19. august 2016-imi nassiussaa paasiniarlugu. Tassani "nunap assingi ilanngussat" taaneqarput; suliamili allagaatit Naalackersuiso-

qarfimmit tigugakkit ilanngussanik taamaattunik tigusaqanngilanga. Suliso-
ra paasitinneqarpoq ilanngussat taaneqartut Naalakkersuisoqarfiup pigin-
ngikkai.